

九字是注混作經楊慎刊本經文無界字名勝志引此

文同

漯水又東北逕建信縣故城北

卷五第三十三葉

十二字是注混作經

漯水又東北逕千乘縣二城間

卷五第三十三葉

十二字是注混作經

故齊也

卷五第三十三葉

也當作地

千乘城齊城西北一百五十里

卷五第三十三葉

千乘城下全氏校增在字

又東北爲馬常坑

卷五第三十四葉

七字是注混作經

商河首受河亦潔水及澤水所潭水也

卷五第三十四葉

受河下落水字潭水之水衍文

世謂之落里坑

卷五第三十四葉

六字重文宜衍

商河又北逕

至

樂陵縣故城南

卷五第三十四葉

四十四字是注混作經昌平縣當作平昌漢書地理志

平原郡有平昌縣

商河又東逕初鄉縣故城南

卷五第三十四葉

十一字是注混作經初當作枋漢書地理志平原郡有枋縣道元謂之枋鄉縣也

沙溝水注之

卷五第三十五葉

五字是注混作經

商河又東北

至轉逕城東

卷五第三十五葉

二十三字是注混作經而流當作南流

商河又東北逕富平縣故城北

卷五第三十五葉

十二字是注混作經

王莽曰安樂亭

卷五第三十五葉

安樂漢書地理志作樂安

富平矣 卷五第三十五葉

矣當作侯

別邑魏郡 卷五第三十五葉

別邑下落在字漢書校補

上書減戶 卷五第三十五葉

上書下落請字

漢書作侯爰類 卷五第三十六葉

箋曰爰類下舊本有一字字按史漢表俱無之侯字衍

文

縣西有東方朔冢側有祠 卷五第三十六葉

於文下當重一冢字

商河又分爲二水南水謂之長聚溝

卷五第三十六葉

十四字是注混作經寰宇記引此文作長叢溝韻會云

叢或作藜聚字誤

東流傾注爲海

卷五第三十六葉

爲當作於

於臺上蟠蒲繫馬

卷五第三十六葉

劉昭郡國志補註引三齊記作臺下

北水世又謂之白薄瀆

卷五第三十六葉

九字是注混作經初學記引此文作百薄瀆白字誤

大河又東北逕高唐縣故城西

卷五第三十六葉

十二字是注混作經

大河又北逕張公城臨側河湄

卷五第三十六葉

十二字是注混作經

河水又北逕平原縣故城東

卷五第三十七葉

十一字是注混作經

晉灼曰齊西有平原河河水北過高唐縣卽平原也

卷五

第三十七葉

平原河之河重文宜衍河水下落東字高唐縣之縣羨

文當重高唐二字以漢書高帝紀注校正

按地理志曰高唐平原也 卷五第三十七葉

高唐平原也五字重文錯簡宜衍

大河右溢世謂之甘棗溝 卷五第三十七葉

十字是注混作經

故瀆又東北歷長隄逕溫陰縣北 卷五第三十七葉

箋曰溫陰宋本作潔陰按十三字是注混作經

河水又東北逕陽阿縣故城西 卷五第三十七葉

十二字是注混作經

萬訴 卷五第三十七葉

萬訴沁水注作卞訴訴字誤

又東北過潔陰縣北

卷五第三十七葉

胡渭云此北潔陰也伏琛謂之潔陽城黃省曾本正作
潔陽字寰宇記云潔陰縣漢縣今廢城在臨邑縣西十
里宋武帝平廣固遂移理于今臨邑縣西北五十里北
潔陰城今縣北有故城漢城亦謂之南潔陰城凡水以
南爲陰北爲陽意者漢有潔陰潔陽二縣南北對立道
元故云潔陰縣故黎邑王莽更名翼成又云潔陰縣王
莽之巨武今翼成之文見於漢志而巨武無考豈世本
漢書脫失潔陽道元猶見善本故耶不然二城明有分
畫新莽又制異名尙賴水經潔陽一語鄙以巨武釋之

可補漢志之缺

河水自平原

至

厭次河

卷五第三十七葉

三十四字是注混作經初鄉當作枋鄉故下落城字南

下落為字孫潛校增

竝為賊擒求代雄

卷五第三十八葉

擒下落輔字孫潛校增

所輔可謂孝盡愛敬

卷五第三十八葉

孫潛校術所字此句有脫誤詳本卷

河水又逕潔陰縣故城北

卷五第三十八葉

十字是注混作經又黃省曾本作右

河水又東北潔沃津

卷五第三十八葉

箋曰孫云潔沃誤漢志千乘郡有溼沃縣按非也胡渭云濟潔之潔說文本作濕燥濕之濕說文本作溼隸改日爲田又省一系遂作潔而濕轉爲溼濕溼二字混而無別漢千乘郡有濕沃縣潔水之所逕故名而地理志譌爲溼司馬彪魏收皆承其誤惟水經注作潔沃當從之八字是注混作經東北下落爲字

潔沃縣故城南

卷五第三十八葉

潔沃上落在字

河水又東逕千乘城北

卷五第三十八葉

九字是注混作經于乘下落縣故二字

又東北過黎城縣北

卷五第三十八葉

黎城當作利城漢書地理志齊郡有利縣濟水篇經云

又東北過利縣西卽是城也

河水又東分爲二水

至

注濟

卷五第三十八葉

二十三字是注混作經胡渭不悟此條是注移在又東

北過利城縣之上非是

經言濟水注河水自枝津東北流

卷五第三十八葉

濟水注下落河非也三字濟水篇注可互證

世謂之倉子城非也

卷五第三十八葉

非也二字衍文

九折注為海 卷五第三十八葉

為當作於

今川流可導 卷五第三十八葉

可當作所

商碣周移也 卷五第三十八葉

碣漢書敘傳是碣字

往昔天嘗連北風 卷五第三十九葉

漢書溝洫志作往者天嘗連雨東北風今改正

水經注箋刊誤卷二終

水經注箋刊誤卷三

汾水

其山重阜修巖

卷六第一葉

箋曰舊本作修層按巖字爲是

蓋稚水濛流耳

卷六第一葉

濛當作蒙易蒙卦象山下出泉曰蒙不從水說文濛微

雨也義異

水出右近溪

卷六第一葉

出下落左字

城又南出二城間

卷六第二葉

上城字衍文

故地理志

卷六第二葉

地理志下落曰字

和熹鄧后之立叔父以爲訓積善所致也

卷六第二葉

熹當作熹叔父下落陔字後漢書后紀校正

魏土地記曰

卷六第二葉

魏土地記上脫又南逕秀容城東七字全氏曰以先司

空本校補

東去泂水六十里

卷六第二葉

泂當作汾

水又西逕狼孟縣故城南

卷六第三葉

水上落洛陰二字

舊有介子推祠前有碑

卷六第四葉

名勝志引此文重一祠字

故榆次之梗陽縣也

卷六第四葉

縣漢書地理志分註史記索隱俱作鄉

榆次界有梗陽地

卷六第四葉

地當作城

說文曰馮水出西河中陽縣之西南入河

卷六第四葉

之西當作北沙說文校正

水發原平縣胡甲山 卷六第五葉

箋曰孫按漢地理志太原郡有原平縣按非也原當作

源平當作祁侯甲水發源太原之祁縣耳

謂之胡甲領 卷六第五葉

領黃省曾本作嶺古領嶺通用

卽爾雅所為昭餘所矣 卷六第五葉

為當作謂爾雅祈本作祁古祁祈通用

臨城際水湄 卷六第五葉

臨城二字當倒互

甲水又西合為嬰侯之水 卷六第五葉

甲上落侯字爲當作於

恐其神魂賈于地

卷六第六葉

箋曰賈字脫誤當作賈賈檀弓蒙袂輯履賈賈然來注

云賈賈目不明貌全氏云非也蓋是賈字之誤

又西南逕介休縣故城西

卷六第六葉

又上落汾水二字介休之介當從漢志作界

遠來奔喪朋友服

卷六第七葉

朋友上落持字隸釋校補

或去一丈

卷六第七葉

箋曰御覽引此云或去水一尺孫潛云一文字不誤

以供祭事 卷六第八葉

事孫潛校改祀

霍求公

卷六第九葉

箋曰求公當作哀公按史記趙世家是霍公求徐廣曰
求一作來蓋字倒互耳

澗水

卷六第九葉

箋曰克家云疑作澗水按嘉靖洪洞縣志澗河其源二
出岳陽安吉嶺與金堆里水經注曰澗水東出穀遠縣
西山逕楊縣西流入于汾是也

又西逕故城北

卷六第九葉

故城上落楊縣二字

晉大夫僚公去安之邑也

卷六第九葉

箋曰郡國志云河東郡楊縣有高梁亭晉羊舌大夫叔向邑也此云僚公去安誠所未詳按顧炎武云左傳昭公二十八年僚安爲楊氏大夫公去二字衍文

晉出公三十年

卷六第十葉

箋曰今竹書作二十年沈炳巽云按竹書是十三年

封恭侯酈介于斯邑也

卷六第十葉

介本表作疥

漢昭帝封度遼將軍范明友爲侯國

卷六第十葉

名勝志引註云漢初曹參擊魏王豹走之盡有魏地後封列侯食邑平陽固斯境矣二十五字今補正于此文之上

水側有堯廟前有碑 卷六第十葉

名勝志引此文重一廟字

汾水南與平陽合 卷六第十葉

平陽胡渭校改平水

縣蓋卽陵以名世也 卷六第十一葉

漢書地理志河東郡襄陵縣注應劭曰襄陵在西北師古曰晉襄公之陵因以名縣全氏校本縣上補西北有

晉襄公陵七字名世字誤當作命氏黃省曾本原是氏字

王莽改名曰幹昌也

卷六第十一葉

改黃省曾本作更

天子西絕鈇墜西南至鹽

卷六第十一葉

鹽當作監穆天子傳校

又西南入汾

卷六第十一葉

西南下落流字

故東州治

卷六第十一葉

魏書地形志正平郡屬東雍州世祖置太和中罷東下

落雍字

出臨汾縣故城西

卷六第十一葉

出上落水字胡渭校增

故橫溝出焉

卷六第十二葉

橫溝二字當倒互

以賜大夫原氏也

卷六第十二葉

原氏下落黯是為荀叔五字以漢書地理志注應劭引

汲郡古文校增

封莊恬也

卷六第十二葉

史漢表俱作杜恬莊字誤

汾水西逕鄧邱北

卷六第十三葉

何焯云鄧當作鄧顏師古曰鄧與葵同漢舊儀作葵上
宋史鎮王元偃傳上登鄧邱亭是也

從邑發聲

卷六第十三葉

箋曰發當作登按非也當作癸說文校正

卽此處

卷六第十四葉

處下落也字孫潛校增

澮水

澮水東出詳高山

卷六第十四葉

詳高是絳高之誤

其水又西南合黑水嶺 卷六第十五葉

嶺字衍文

西逕榮庭城南 卷六第十五葉

左傳襄公二十三年張武軍于熒庭春秋分記云絳州

翼城縣東南八十五里有古熒庭城榮字誤

稱涉河 卷六第十五葉

稱下落起字

水出絳山東至寒泉奮湧 卷六第十五葉

至當作南漢書地理志絳縣應劭曰絳水出西南

十一許丈 卷六第十五葉

當作一十許丈

汾水灌平陽或亦有之絳水澆安邑未識所由也

卷六第

十六葉

箋曰澆當作浸按閻若璩曰壬子冬客太原顧寧人向
余稱水經注箋爲三百年一部書余退而讀之殊有未
然如通鑑智伯言今乃知水可亡人國以汾水可以灌
安邑絳水可以灌平陽胡身之引酈注曰智伯所謂汾
水可以灌安邑或亦有之絳水可以灌平陽未識所由
此是宋時所見本如是未經舛譌朱氏何不引梅磻本
校正之

對首陽之神

卷六第十六葉

對下落曰字

涑水

其水東大嶺下

卷六第十七葉

東下落逕字方輿紀要引此文增

國汾川

卷六第十七葉

國下落于字名勝志引此文增

武公請城于翼至洞庭乃返者也

卷六第十八葉

箋曰洞一讀作桐庭當作渦又曰今竹書云武公請城于翼至桐而還按朱氏旣以桐釋洞字又欲改庭爲渦

洞渦水名與曲沃無涉自相乖繆何也漢河東聞喜縣故晉之曲沃秦改爲左邑者也武帝紀云將幸緱氏至左邑桐鄉聞南越破以爲聞喜縣師古曰左邑河東之縣也桐鄉其鄉名也桐爲左邑之鄉卽是曲沃之鄉北近都邑翼侯伐曲沃敗曲沃而還自其地桐庭卽桐鄉矣城當作成但其事有可疑者據竹書紀年周桓王之元年壬戌十月莊伯以曲沃叛伐翼公子萬救翼荀叔軫追之至于家谷翼侯焚曲沃之禾而還翼侯伐曲沃大捷武公請成于翼至桐而還二年王使虢公伐晉之曲沃晉鄂侯卒曲沃莊伯復攻晉立鄂侯子光是爲哀

侯四年曲沃莊伯卒子稱立是爲武公尙一軍武公者
莊伯之子元年搆兵莊伯未死何以書武公請成乎左
傳隱公五年曲沃莊伯以鄭人邠人伐翼王使尹氏武
氏助之翼侯奔隨曲沃叛王秋王命虢公伐曲沃而立
哀侯于翼史記十二諸侯年表同晉世家云周平王使
虢公將兵伐曲沃莊伯平乃桓之誤翼侯者鄂侯也孝
侯之弟與曲沃莊伯相讎殺左傳史記皆無武公請成
之事且太史公取周譜以成年表隸事最密缺而不書
汲冢之文未足信也

在南原上

卷六第十九葉

在上落城字

涑水又西南逕監鹽縣故城

卷六第二十葉

箋曰監疑作監按非也史記秦本紀昭襄王十一年齊韓魏趙宋中山五國共攻秦至鹽氏而還徐廣曰鹽一作監正義曰括地志云鹽氏故城一名司鹽城在蒲州安邑縣按掌鹽池之官因稱氏寰宇記解州安邑縣下云司鹽城在縣西二十里蓋漢司鹽都尉治此司卽監也監鹽官亦見三國志衛覬傳所謂鹽國之大寶宜如舊置使者監賣是也官居此城故曰監鹽城下文注云杜預曰後罷尉司分猗氏安邑置縣以守之蓋晉初置

縣旋廢耳朱氏不審改作監鹽大繆

城南有鹽池水承鹽水出東南薄山

卷六第二十葉

箋曰承字下脫一之字按通鑑註引此文作上承鹽水

水出東南薄山上水字宜移在鹽之下

地理志曰山在安邑縣東

卷六第二十葉

漢書地理志安邑縣下云巫咸山在南鹽池在西南東

當作南

巫咸在女丑北

卷六第二十葉

山海經作巫咸國落國字

呂宿曰沈沙煮海謂之鹽

卷六第二十葉

呂忱作字林呂宿字誤當作呂忱曰宿沙煮海謂之鹽

北塹鹽澤 卷六第二十一葉

塹當作暨

引水裂沃麻 卷六第二十一葉

箋曰裂字疑衍全氏云當衍水字

皆降焉秦師 卷六第二十二葉

焉當作於篆近致譌

乃謂秦穆公使公子繫來與師言 卷六第二十二葉

箋曰宋本無乃謂二字按二字宜存箋說非

京相璠曰春秋土地名 卷六第二十二葉

春秋土地名晉京相璠撰曰字當移在土地名之下

鄭伯使燭之武謂秦公曰 卷六第二十二葉

當作秦穆公落穆字

齊師逐鄭太子齒奔城張 卷六第二十三葉

城張當作張城潛夫論河東解縣有東張城西張城

來去者咸援蘿騰峯 卷六第二十三葉

箋曰峯疑作嶽按峯音吟說文山之岑峯也杜甫詩挽

葛上崎峯正是援蘿騰峯之意箋說非

水泉山北流 卷六第二十三葉

泉當作自

文水

有泌水注之縣西南山下 卷六第二十四葉

縣上落水出二字寰宇記校增

水溢平流 卷六第二十四葉

流當作地名勝志校改

水謁泉山之上頂 卷六第二十四葉

箋曰謝朓申云出謁泉山之頂上按上頂字不誤

又東津渠隱沒 卷六第二十四葉

箋曰又一作入按又東之文恆見注中

世謂之西河 卷六第二十四葉

寰宇記汾州西河縣下文文湖一名西河泊落泊字

謂之豬城 卷六第二十四葉

箋曰豬當作瀦按尚書禹貢大野既豬又被孟豬之豬

俱不加水漢書地理志經典釋文竝同

西河有中陽縣舊縣也 卷六第二十四葉

上縣字當作城

又東逕中陽故城南 卷六第二十五葉

中陽下落縣字

原公水

魏黃初二年 卷六第二十五葉

全氏云西河本漢郡尙在太原之西建安之亂空荒黃
初復立注所載碑文可證二年下當有置西河郡四字
今補正

洞渦水

又西北黑水西出山三合源舍同歸一川 卷六第二十五

葉

箋曰謝云宋本作合三源同歸一川無舍字按名勝志
引此文作黑水出西山三源合舍箋說非

東流南屈受陽縣故城東 卷六第二十五葉

南屈下落逕字孫潛校增

榆次縣故塗水鄉

卷六第二十六葉

塗水漢志分註作涂水

剝腹絕腸折頭措頤處也

卷六第二十六葉

元和郡縣志引此作折頭摺頤寰宇記引此文作折頸

摺頤今從樂氏

蘿磬亭

卷六第二十六葉

箋曰謝云一本作蘿磬亭按寰宇記云蘿磬亭俗名落

莫城磬字是也

晉水

出晉水下口者也

卷六第二十七葉

七字是注混作經

晉水出晉陽縣西縣壅山

卷六第二十七葉

箋曰縣舊本作懸孫云壅山海經作雍注云音甕按縣古懸字壅當作甕从缶不从土方輿紀要云懸甕山腹有巨石如甕亦曰汲甕山蓋取象斯形壅是壅塞之義爲誤無疑

一水結紉山

卷六第二十七葉

箋曰宋本一下有云字按水字亦誤當作出

昔智伯之遏晉以水灌晉陽

卷六第二十七葉

箋曰以水當作水以按之字衍文

水側有涼堂 卷六第二十七葉

箋曰御覽作涼臺按今御覽引此文是堂字

汾水分爲二流 卷六第二十八葉

箋曰汾水舊本作湖水按非也寰宇記引此文云沼水分爲二派沼水卽上文智伯遏晉水以灌晉陽蓄以爲沼之水其水流入汾後漢書安帝紀元初三年春正月甲戌修理太原舊溝渠溉灌官私田章懷註引酈元水經曰昔智伯遏晉水以灌晉陽後人踵其遺跡蓄以爲沼分爲二派北瀆卽智氏故渠也其瀆乘高東北入晉陽城以周漑灌東南出城注於汾水今所修渠卽謂此

與寰宇記所引正同箋云舊本作湖水蓋誤耳

郡椽 卷六第二十八葉

椽當作掾

湛水

湛水出杞縣南源 卷六第二十八葉

杞縣當作軹縣南源當作南原

俗謂之湛水也是蓋聲盡鄰 卷六第二十八葉

全氏云湛水字誤先司空校本作須水旁註云須讀作

頌通鑑隋漢王諒遣其將屯河陽與史詳戰于須水是

也盡當作畫

其水自谿之南流 卷六第二十八葉

之當作又

又東過皮縣之北 卷六第二十八葉

漢書地理志河內郡有波縣皮字誤

源經所注 卷六第二十九葉

源當作原

斯乃汨川之所由 卷六第二十九葉

箋曰舊本作汨川按汨川是溟川之誤譌而為汨又缺

筆作汨

隰城在東言此非矣 卷六第二十九葉

此當作北

濟水

郭景純云聯沆聲相近即沆水也 卷七第一葉

山海經註云沆則濟也則當作即今本誤

東源出原城城東北 卷七第一葉

城字重文宜衍

杜預曰沆水縣西北有原城者也是 卷七第一葉

沆水縣是沁水縣之誤以隱十一年傳註校也是當作

是也

而源出原城西東沆水注之 卷七第一葉

而當作西東沈水當作東流水

濟水又東南逕郟城北

卷七第二葉

郟說文作郟亦作絺郡國志河內郡波縣有絺城劉昭補註曰左傳曰王與鄭絺杜預曰在野王縣西南胡渭曰今河內縣西南有絺城

又東北逕波縣故城北漢高帝封公上不害為侯國

卷七

第二葉

箋曰孫云波縣當作汲縣按史記年表高帝十一年封公上不害為汲侯索隱曰汲縣名屬河內按非也波汲並縣名俱屬河內郡今本史表作汲侯索隱曰漢表作

汲此必古本原是波字故小司馬以汲字證之正馬班
異同處不然史表旣是汲侯矣又證以漢表之汲侯義
可通乎道元所見故宜無誤孫汝澄改波從汲殆未之
察耳

天漿水澗水注之

卷七第二葉

上水字衍文

在睪上

卷七第三葉

在上落城字睪當作睪與臯同

今河內軹西有地名向今無

卷七第三葉

地當作城

俗謂之治城亦曰治大

卷七第三葉

兩治字俱當作治亦曰上落水字

水出南源下

卷七第三葉

源當作原

述征記曰濟河內溫縣

卷七第四葉

濟下落出字

過墳城西

卷七第四葉

墳城當作隕城郡國志河內郡修武有隕城劉昭補註

曰左傳隱十一年以隕與鄭

東南逕陽鄉城北又東南流逕陽鄉城北又東南逕李城

西 卷七第四葉

下逕陽鄉城北又東南八字重文宜行

不至此 卷七第四葉

此下落也字孫潛校增

去襄國一百餘里 卷七第四葉

一字衍文孫潛校

梁惠成王二年 卷七第五葉

竹書紀年是三年

碭郡長項伯 卷七第五葉

史表是項佗

又東至北礫礫南 卷七第五葉

至北二字當倒互礫礫只一處不分南北胡渭亦為此
文所誤而強名之宜其獻笑後來也說見後

東出過滎陽北 卷七第五葉

全氏云滎陽是滎澤之誤注云濟水又東逕滎澤北所
以釋此條之經也

孔安國曰滎波水以成瀦闕駟曰滎波嶓澤名也 卷七第

五葉

書傳云滎澤波水以成遏豬今補正下滎波之波衍文

箋曰玉海二十一卷 至黃場石 卷七第六葉

玉海所引酈注本是二條自浚儀縣竹書紀年至汴東注河南流係二十二卷渠水注汴河原作汴沙河南流原作沙南流謂沙水也緣彼卷有錯簡故其文不屬朱氏因浚儀渠而載之於此可稱極繆建寧四年以下現載本篇乃更詳錄無遺疎鹵之愆抑又甚矣

周城三百步

卷七第六葉

周城二字當倒互

水南帶三山卽皇室山

卷七第六葉

箋曰一作三皇山按三下脫皇字三皇山卽皇室山朱氏不注于三山之下而注于皇室山之下斯爲繆矣

濟水又東逕西廣武城北 卷七第六葉

十字是注混作經

濟水又東逕東廣武城北 卷七第六葉

十字是注混作經

濟水又東逕敖山北 卷七第七葉

八字是注混作經

濟水又東合滎澤 卷七第七葉

七字是注混作經滎澤玉海引此文作滎瀆下云瀆首

受河水有石門謂之爲滎口石門也

瀆水受河水 卷七第七葉

瀆水之水胡渭校改首

榮播所道

卷七第七葉

箋曰孫云書作榮波按孫汝澄之言蓋不知馬鄭王本波皆作播亦不記夏本紀榮播既都之文而爲此辭也

未詳詔書

卷七第七葉

箋曰玉海二十一卷內引此文無未詳二字疑衍按隸釋載此文有未詳二字蓋誤文也當作辛未詳字之半似辛其文又互易蓋詔書以辛未日下去丁丑才四十五日卽在陽嘉三年二月之明月故不再書年月也下文歲在甲子被癸丑詔書及滄水注幽冀二州郡縣分

境立石標界亦云戊子詔書事在熹平四年是其切證
戊子今本水經注論作代子據隸釋校改此未詳二字
盤洲既不能發明斯義厚齋竟節去之無惑乎朱氏以
爲疑衍也

府鄉規基經始

卷七第七葉

府鄉當作府卿謂少府卿也漢都水舊屬少府

山陽東昏

卷七第八葉

日知錄曰漢陳畱郡有東昏後漢志註云陳畱志曰故
戶牖鄉有陳平祠山陽郡有東緡後漢志春秋時曰緡
註云左傳僖公二十三年齊侯伐宋圍緡前書師古曰

緡音旻左傳緡宋邑高平昌邑縣東南有東緡城史記
絳侯周勃世家攻爰戚東緡以往索隱曰山陽有東緡
縣屬陳畱者音昏屬山陽者音旻括地志云東緡故城
在兗州金鄉縣界水經注引王誨碑辭曰河隄謁者山
陽東昏司馬登是以緡爲昏誤矣酸棗令劉熊碑陰故
守東昏長蘇勝則陳畱之東昏也

東萊典城

卷七第八葉

漢書地理志東萊郡曲成縣典城字誤

河內太守守城向豺

卷七第八葉

隸釋作宋城向豹今校正

榮瀆又東南流注于浦 卷七第八葉

浦當作涉

次東得宿須水口 卷七第八葉

須當作胥下同

渠側有扈城 卷七第八葉

扈城下落亭字

合則南瀆通津 卷七第九葉

合當作今孫潛校改

昔卞 卷七第九葉

昔當作音孫潛校改

濟水又東逕滎陽縣北

卷七第九葉

九字是注混作經

濟水又東南礫石溪水注之

卷七第九葉

十一字是注混作經石字衍文溪當作礫胡渭禹貢錐指以上文誤本經文又東至北礫礫爲北礫礫而不知至北二字之倒互也以此條濟水又東爲句南礫礫注之爲南礫礫注之而不知此條之非經也其言曰蔡傳曰周定王五年河徙砠礫不知在何處按溝洫志賈讓治河奏有滎陽漕渠如淳曰今礫礫口是也師古曰礫谿谿名卽水經所云沛水東過礫礫者阿誰讀誤本漢

書以今爲令又加石作矜殊足使人噴飯卽以礫磧言
之水經濟水東至北礫谿南東出過滎陽縣北又東句
南礫谿水注之礫谿口卽南礫磧水入濟處也古之決
口皆在大伾之東金元時所決漸西至明天順中河自
武陟徙入原武而獲嘉之流遂絕變斯極矣滎陽今爲
滎澤縣與獲嘉相對周時河徙寧遽在此耶唯漢平帝
之世河侵汴濟謂徙從礫磧口則可然亦無矜礫之名
也此說當必有所本頃閱王伯厚河渠考引程氏曰周
時河徙矜礫至漢又改頓邱東南流程氏疑卽大昌及
檢禹貢論其第十一篇有云周定王五年河徙故瀆漢

元光三年河水徙從頓邱東南流入勃海卻無矜礮字

又圖說葦蕩渠口辨引如淳註亦作今礮礮口不作矜

礮則二字明係杜撰絕無根據誕妄乖繆莫此爲甚而

學者宗之以王伯厚之淹博亦不能正其失而且累及

程氏地理之學談何容易東樵之口可謂辯矣然礮礮

只一水別無南北之分旣強讀又東爲句以是爲南礮

礮矣顧何以又云北礮礮未詳蓋在河南濟北其水西

注於河者耶苟不知所在亦不當強爲立名以疑誤後

學也

傅澤洪行水金鑑云北礮礮蓋在河南濟北其水西注于河者又云經所謂礮礮可知上有北礮礮

故此爲南礮礮是蓋襲用錐指而繆者

全氏云蔡九峯雖誤以今爲矜然

猶祇是一礫磳東樵乃分為南北二礫磳其繆又甚於

九峯

濟水又東索水注之

卷七第九葉

八字是注混作經

與東關分水即古旃水也

卷七第九葉

寰宇記引此文作與東關水同源分流即古旃然水也

今補正

鄭子皮勞叔向於索水

卷七第十葉

索水當作索氏左傳校

故馬淵郡國志曰

卷七第十葉

故字衍文馬淵是司馬彪之誤

俗謂之平眺城 卷七第十葉

平黃省曾本作乎魏晉孝文帝紀作平桃城

一名嘑啁 卷七第十一葉

嘑當作嗶音豪若嘑音釋非其義矣

得免楚 卷七第十一葉

楚下落圍字

王莽立為新隊 卷七第十一葉

新當作祈漢書王莽傳校

割河南郡鞏自闕以東 卷七第十一葉

郡下落縣字輩自二字當倒互謂鞏縣及伊闕也

南鄉築陽城 卷七第十一葉

晉書地理志筑陽縣屬順陽郡故魏武之南鄉郡也太

康中改今名築字誤城字衍文

李勝字公照為郡守顧原武典農校尉 卷七第十一葉

三國志魏書曹爽傳注李勝字公昭照字誤也顧當作

故

故云吸受旃然矣 卷七第十二葉

汲水注云陰溝即蕩蕩渠也亦言汲受旃然水又云河

濟水亂汲承旃然吸是汲字之誤

濟水又東逕滎陽澤北

卷七第十二葉

通鑑地理通釋校衍陽字

故滎水所都也

卷七第十二葉

箋曰都疑作瀦按古都豬字通用史記夏本紀大野既豬作既都孟豬作明都是也

恒雍

卷七第十二葉

箋曰恆當作衡按春秋時衡雍後改垣雍史記秦昭王四十八年韓獻垣雍以和戰國策魏王曰秦許我以垣雍魏公子無忌謂秦有鄭地得垣雍是也恒垣字近致

譌

然水既斷

卷七第十三葉

然上落旃字

有故隴城

卷七第十三葉

當作垂隴城落垂字

澤際又有沙城

卷七第十三葉

澤當作瀆

王會鄭釐侯于巫沙者

卷七第十三葉

者下落也字

史記秦昭王四十二年魏冉攻魏走芒卯

卷七第十三葉

四當作三事在穰侯傳

八北宅 卷七第十三葉

箋曰竹書宅作宅按係俗本誤字朱氏引之非

竹書紀年曰惠王十三年王及鄭釐侯盟于巫沙 卷七第

十三葉

箋曰今竹書巫沙之盟是顯王十一年事按竹書惠王是梁惠成王周顯王十一年正梁惠成王十三年朱氏因刻本失去成字遂以周顯王證之非矣

黃水發源京縣黃淮止 卷七第十三葉

箋曰止一作山宋本作上按寰宇記引此文作黃堆山方輿紀要云嵩渚山一名小陘山水經注以為黃堆山

也全氏曰亦即黃雀山淮止二字誤也

狀若巨鼎湯湯 卷七第十三葉

御覽引此文作巨鼎揚湯上湯字誤

屬縣也 卷七第十四葉

漢書地理志河南郡故市縣此文屬縣也上當補河南

之三字

甲辰 卷七第十四葉

穆天子傳是甲寅

濟水又東南流入陽武縣 卷七第十四葉

陽武縣下名勝志引此文有北字

濟水又東北流南濟也逕陽武縣故城南

卷七第十四葉

十六字是注混作經南濟當作北濟濟至定陶斯有南

稱

東二里

卷七第十五葉

名勝志引此文作東西二里落西字

名為白溝

卷七第十五葉

當作白馬溝落馬字

天子里圃田之路

卷七第十五葉

箋曰圃一作甫按甫田即圃田朱氏釋之實為辭費

郭注云

卷七第十五葉

云字衍文

余謂穆王里鄭圃而郭以趙之房邑為疆

卷七第十五葉

箋曰而當作田按周禮職方豫州藪曰圃田然亦可單稱圃詩曰東有甫草傳曰鄭之有原圃猶秦之有具圃史記魏公子無忌曰秦七攻魏五入圃中邊城盡拔劉伯莊曰圃讀作圃卽圃田澤也朱氏改而為田非

濟水又東逕封邱縣南

卷七第十五葉

九字是注混作經

縣有黃亭說濟

卷七第十五葉

箋曰孫云疑作臨溝按春秋哀公十三年公會晉侯及

吳子于黃池杜預曰陳畱封邱縣南有黃亭近濟水說

濟當是俛濟之誤

濟水又東逕東昏縣故城北 卷七第十五葉

十一字是注混作經

武陽縣之戶牖鄉矣 卷七第十五葉

武陽當作陽武

濟水又東逕濟陽縣故城南 卷七第十五葉

十一字是注混作經

北濟也 卷七第十六葉

三字是注混作經

濟水又東逕原武縣故城南 卷七第十六葉

十一字是注混作經濟水當作濟瀆所謂北則濟瀆是

也

天子飲于洧上 卷七第十六葉

箋曰洧一作涌按洧字不誤

又東絕長城築也 卷七第十六葉

長城下落鄭字全氏校增

竹書云是梁惠王十五年築也 卷七第十六葉

惠下落成字

濟瀆又東逕酸棗縣之烏巢澤北 卷七第十六葉

十三字是注混作經北字衍

澤有故亭

卷七第十六葉

澤下落北字故下落市字三國志魏書武帝紀註云袁氏輜重有萬餘乘在故市烏巢屯是也故市前漢為縣

後漢省

破袁紹軍處也

卷七第十六葉

軍當作運

北濟也

卷七第十七葉

三字是注混作經

皆臨側

卷七第十七葉

臨側下落濟水二字孫潛校增

濟水者又東過濟陽縣北濟也

卷七第十七葉

濟水者三字衍文濟陽縣下落北字北濟也三字是注

混作經

漢景帝中元六年

卷七第十七葉

元字衍文

今陳濟陽縣是也

卷七第十七葉

陳下落畱字

南濟也

卷七第十七葉

三字是注混作經

濟瀆自濟陽縣故城南

卷七第十七葉

瀆當作水

濟水又東北荷水東出焉

卷七第十七葉

十字是注混作經

濟水又東逕秦相魏冉冢

卷七第十八葉

箋曰宋本冢下有一南字按十字是注混作經

濟水又東北逕定陶恭王陵南

卷七第十八葉

十二字是注混作經

瀆南魏郡治也

卷七第十八葉

瀆南當作墳南即丁姬墳也

濟水又東北逕定陶縣故城南 卷七第十八葉

十二字是注混作經

側城東注也 卷七第十八葉

箋曰也字似譌疑當作此按也字不誤作此非

南濟也 卷七第十九葉

三字是注混作經

又東北右合河水 卷七第十九葉

河當作荷御覽寰宇記引此文校正下茲同

水瀆上承濟水 卷七第十九葉

水瀆二字當倒互

汜水名 卷七第十九葉

汜水下落之字

濟水自是北東流出巨澤 卷八第一葉

北東當作東北胡渭校改

其一水 至 鉅野澤 卷八第一葉

十八字是經混作注下文注云亦經所謂濟水自乘氏

縣兩分東北入于鉅野蓋指此也

南為荷水北為濟瀆 卷八第一葉

八字是注混作經

逕乘氏縣與濟渠濮溝合 卷八第一葉

箋曰克家云濮溝當作濮渠按濟渠二字衍十字是經

混作注逕當作過

北濟又東北逕冤胸縣故城北

卷八第一葉

十二字是注混作經

又東北與濮水

卷八第一葉

箋曰謝兆申云濮水下疑有合或會字按會字是也六字是注混作經

故班固云大堙酸棗也

卷八第二葉

漢書叙傳云文堙棗野大字誤

或以姓名

卷八第二葉

箋曰古本作或以合名吳本改作姓名玉海十五卷內引此文亦作合名按當作合名如聞喜獲嘉之類

故豫章以樹氏都

卷八第二葉

寰宇記開封府酸棗縣下引風俗通云豫章以樹氏郡困學紀聞引此文云豫章以木氏郡何焯曰都字乃傳寫之誤樹爲木則宋人避諱也

遂披面而死

卷八第二葉

戰國韓策史記刺客傳竝作皮面索隱曰皮面謂以刀刺其面皮欲令人不識披字誤

濮渠又東北逕燕城內

卷八第三葉

丙當作南

卽戰國策所謂酸棗桃虛也

卷八第三葉

箋曰古本作虛桃者按者也二字宜竝存若截去也字

豈足成文乎

或亦謂之濮苑亭

卷八第三葉

濮苑當作宛濮

春秋甯武子與衛人盟于苑濮

卷八第三葉

苑左傳作宛下同

杜預曰長垣而南近濮水也

卷八第三葉

而左傳註作西

似非關苑 卷八第三葉

苑當作究

澤北壇陵亭 卷八第四葉

澤北下落有字

子路出于蒲者也 卷八第四葉

出下落迎字

封元舅來俊爲侯國 卷八第四葉

箋曰來一作宋按宋字是也漢安帝祖母爲宋貴人漢書章帝八王傳云清和王慶母宋貴人父揚安帝追諡當陽穆侯四子皆爲列侯食邑各五千戶俊乃四列侯

之一

濮水東逕濮陽縣故城南

卷八第五葉

濮水下落又字

卽葭密

卷八第六葉

卽寰宇記引此文作取

濟陰乘氏縣有鹿乘鄉

卷八第六葉

鹿乘郡國志作鹿城

濮水又東與句瀆首受濮水枝渠

卷八第六葉

句瀆下落會字

濟水故瀆又北右合洪水

卷八第六葉

十字是注混作經通鑑註校

上承鉅野薛訓渚歷澤西北渚

卷八第六葉

上承上落水字下渚字衍文

又北濟瀆合

卷八第六葉

又北下落與字孫潛校增

北流濟

卷八第七葉

北流下落入字孫潛校增

或謂清則濟也

卷八第七葉

則當作卽

巨澤北則清水

卷八第七葉

清水當作清口胡渭校

濟水又北逕須胸城西

卷八第七葉

九字是注混作經

故須國

卷八第七葉

故須下落胸字

子魚曰

卷八第七葉

箋曰三字宜刪按非也三字是道元誤引非衍文

濟水又逕微鄉東

卷八第八葉

七字是注混作經又下落北字

漢高帝十一年趙衍為侯國

卷八第八葉

趙衍上落封字

濟水又北逕漁山東左合馬頰水

卷八第八葉

箋曰克家云漁山作魚山者是按十三字是注混作經

濟北東阿縣東南有桃

卷八第八葉

左傳注云有桃城落城字

又東北流逕山南

卷八第八葉

山南上落魚字胡渭校補

山上有抑舒城

卷八第九葉

抑舒當作柳舒路史國名紀以為即春秋傳之畱舒也

杜預曰畱舒齊地畱柳聲相近其說非也魏書地形志

濟北郡盧縣有柳舒城按寰宇記陳州西華縣下云柳城本名媯城魏鄧艾營稻陂時柳舒為陂長後人因目為柳城此城疑亦是其所築

葬山西西去東阿水四十里 卷八第九葉

箋曰宋本無西字按三西字俱不宜衍水當作城

其水又東注于清濟 卷八第九葉

清字衍文

濟水自魚山北逕清亭東 卷八第九葉

十字是注混作經

是濟水通得清之目焉 卷八第九葉

是下落下字

吾聞齊有清濟濟河以為固 卷八第九葉

濟河當作濁河戰國策校改

穀有黃山臺 卷八第九葉

穀當作縣

出東南大檻山狼溪西狼溪西 卷八第九葉

狼溪西三字重文宜衍

濟水又北逕周首亭西 卷八第十葉

九字是注混作經

濟水又北逕平陰城西 卷八第十葉

九字是注混作經

卷八第十一葉

今巫山之上石室

石室下名勝志引此文有耆老言郭巨葬母處八字今

校補

濟水右迤過為湄湖

卷八第十一葉

過字衍文

濟水又東北至垣苗城西

卷八第十一葉

十字是注混作經至胡渭校改迺

宋武帝西征長安令桓遵鎮此故俗人有垣苗之稱

卷八

第十一葉

桓遵人姓名當從土作垣宋書垣護之傳云伯父遵父
苗高祖圍廣固遵苗踰城歸降竝以爲太尉行參軍二
人皆從武帝西征故城鎮遂畱其名也

河水自泗瀆口東北流而爲蒲

卷八第十一葉

泗瀆口當作四瀆口見河水注蒲是清之誤河水篇云
河水東分濟亦曰沛水受河也然滎口水斷石門不通
始自是出東北流逕九里與清水合故沛瀆也自河入
濟自沛入淮自淮達江水徑周通故有四瀆之名也彼
文譌沛作沛此又譌清作蒲也

濟水又逕盧縣故城北

卷八第十一葉

九字是注混作經

濟水又東北與中川水合

卷八第十二葉

十字是注混作經

西北流東逕太原郡南

卷八第十二葉

箋曰孫云太原劉宋僑郡按東逕二字當倒互黃省曾

本校正方輿紀要云劉宋元嘉十年割濟南泰山郡立

太原郡泰始三年為後魏慕容白曜所陷魏收地形志

云太原郡劉義隆置魏因之是也時又謂之東太原郡

與漢賓谷水合

卷八第十二葉

漢賓谷水方輿紀要作賓溪谷水今校改下同

與中川合

卷八第十二葉

中川下落水字

濟水又東北右會玉水

卷八第十二葉

九字是注混作經

導源太山朗公谷谷舊名現瑞溪

卷八第十二葉

導源上落水字下谷字重文宜衍

連樓疊閣

卷八第十三葉

疊全祖望校改疊

漢高帝十一年封高色爲侯國

卷八第十三葉

高色史表作高邑

濟水又東北灤水出焉 卷八第十三葉

九字是注混作經

灤水出歷縣故城西 卷八第十三葉

漢書地理志濟南郡有歷城縣落城字

俗謂之為娥姜水也 卷八第十三葉

箋曰娥姜一作娥英按魏書地形志濟南郡歷城縣有

娥姜祠路史云祝阿故縣又有灤水俗呼姜水源有娥

英之廟姜字不誤

極水木明瑟 卷八第十三葉

箋曰極下脫一字或是極望按依文自足無煩增補

與灤水會自水枝津合

卷八第十四葉

會自水三字衍文

濟水又東北華不注山

卷八第十四葉

箋曰脫一逕字按九字是注混作經

故京相璠曰春秋土地名也

卷八第十四葉

曰字衍文也字誤當作曰

西北流至平陸城

卷八第十五葉

漢書地理志濟南郡有東平陵縣續志屬濟南國陸字

誤當作陵

俗謂之有城也

卷八第十五葉

齊乘云東平陵城在濟南東七十五里春秋譚國齊滅之古城在西南龍山相對有當作古

濟南治也

卷八第十五葉

濟南下落郡字

王莽更名樂安郡

卷八第十五葉

郡字衍文

而出注巨合水

卷八第十五葉

而當作西

濟水又東北合芹溝水

卷八第十五葉

九字是注混作經

濟水東逕

至罷軍爲侯國

卷八第十六葉

東逕下落管字史漢表皆作管其侯罷軍誤也管城縣自漢迄隋皆爲中牟縣地開皇十六年始立管城縣是以班志僅于中牟縣註云筦叔邑續志亦于中牟下云有管城而已罷軍王子必有封邑故非鄉亭可知且屬齊地管字爲是齊乘云管城在章邱臨濟鎮北記引晉太康志以管叔之後封于此齊滅管故其子孫仕齊按書稱致辟管叔古史謂管叔鮮罪大無後管夷吾出自周穆王至夷吾始顯豈管叔之後耶鄭州管城乃管叔所封魯有管邑大夫采地惟齊無管城此卽漢之管縣

而傳寫致誤于氏之言切而當矣

水出土穀縣故城西

卷八第十六葉

土穀漢書地理志作土鼓方輿紀要云土鼓城或譌爲土穀城水經注云云此蓋世本之繆何足據也

其水西北流逕楊邱縣故城中

卷八第十六葉

楊邱漢書地理志作陽邱下同

又有楊渚溝水逕於陵故城西南西北

卷八第十六葉

寰宇記引此文作出逢陵故城西南二十里於陵漢縣後魏改曰逢陵魏書地形志濟南郡逢陵縣有於陵城道元蓋從其新制書之後人據班志改曰於陵非矣西

北字是二十里之譌

隴水

卷八第十六葉

箋曰孫云當作瀧水瀧有籠雙二音按隴水字不誤魏書地形志東清河郡繹幕縣有隴水寰宇記淄州淄川縣有籠水古名孝水引輿地志云齊孝婦顏文姜緝籠蓋泉則知籠水古名後更爲隴耳若作瀧水則是嶺表之昌樂瀧矣孫汝澄之說非也又按方輿紀要孝婦河在鄒平縣東引輿地志云戰國時齊人顏文妻事姑孝常遠汲以供姑嗜一旦甘泉湧于室內常以績籠蓋之籠發而泉湧因名籠水集異記作顏文姜誤寰宇記文

亦有訛脫

萌水出西南甲山 卷八第十六葉

箋曰孫云甲山當作萌山按方輿紀要云明水亦曰萌水出淄川縣西南夾谷山又云夾谷山一名祝其山又謂之甲山其陽卽齊魯會盟處萌水出焉濟南府志云甲山在淄川縣西南四十里萌山在縣西北二十五里蓋甲山萌水所出而萌山其經流也孫說非是

抑泉口 卷八第十七葉

抑泉當作柳泉淄川縣志云柳泉在縣北十五里旁植高柳可飲可憇漢書地理志北海郡有柳泉縣卽其地

也

有樂安太守治

卷八第十七葉

有當作古孫潛校改

濟水又東北迤為淵渚謂之平州

卷八第十七葉

十三字是注混作經濟乘引此文作平州沉沉是坑之

誤今校補

溼沃側有平安縣故城

卷八第十七葉

箋曰溼沃縣名屬千乘郡而平安縣在其次按溼沃當作濕沃縣字全氏校移濕沃之下

有安平亭

卷八第十八葉

安平當作平安

卷八第十八葉

世謂之馬昌城此也

箋曰此也舊本作北也按孫潛校改作非也

濟水又東北逕樂安縣故城南

卷八第十八葉

十二字是注混作經

光是縣人

卷八第十八葉

後漢書任光傳云南陽宛人落宛字

縣在濟城北五十里

卷八第十九葉

濟城當作齊城

入濟琅槐東北者也

卷八第十九葉

入濟山海經作入齊

今所輟流者惟漯水耳 卷八第十九葉

輟當作綴師古註漢書曰綴言不絕也綴流微涓滂注而已輟流則竟絕矣其義非矣

其一水東流者過乘氏縣 卷八第十九葉

乘氏縣下吳瑄本有南字

河水分濟 卷八第十九葉

河水當作滍水胡渭校改

北邕元氏縣故城西 卷八第十九葉

箋曰元氏縣孫云與常山別按此是戎州己氏邑前漢

置己氏縣屬梁國續志屬濟陰郡春秋分記以為即戎
伐凡伯于楚邱之地非衛文公所徙之邑元氏是己氏
之誤孫汝澄不察云與常山別蓋不悟元氏之非矣

又東北逕梁山城西 卷八第二十葉

山當作邱

故地理志風俗記曰 卷八第二十葉

志字衍文

孝景中元五年 卷八第二十葉

景帝稱元年又稱中元年二年以至六年改後元年凡
中後字下不得別加元字也此不學人所妄添故前後

有加元字者悉刪去之

此乃河濟也尚書有導河濟之說

卷八第二十葉

兩河濟俱當作荷澤

後漢沈州

卷八第二十一葉

續志兗州山陽郡昌邑刺史治落落字

城內有沈州刺史河東薛棠像碑

卷八第二十一葉

棠隸釋載此文作季下云表勒棠政言紀薛甘棠之政

棠非薛名何焯亦云如此

次西有沈州刺史茂陽楊叔恭碑

卷八第二十一葉

茂陽是茂陵之誤兩漢志右扶風有茂陵縣

從事秦闔 卷八第二十一葉

箋曰闔字似誤當作闔按隸釋載此文作闔

河水逕其故城南 卷八第二十一葉

河當作荷

濟水又東逕漢平狄將軍扶溝侯淮陽朱鮪冢 卷八第二十一葉

十一葉

十八字是注混作經

濟水東逕重鄉城南 卷八第二十二葉

八字是注混作經

水又東逕泥母亭北 卷八第二十二葉

水上落荷字

荷濟別名也

卷八第二十二葉

濟當作澤

側荷梁柱

卷八第二十二葉

荷隸釋載此文作荷

龜龍鳳之文

卷八第二十二葉

龜龍下落麟字隸釋校增劉昭郡國志補註曰北征記云彭城北六里有山臨泗有宋桓魋石槨皆青石隱起龜龍麟鳳之象與此相似古人制作多如此也

山陽鉅澤縣

卷八第二十三葉

澤當作野漢書地理志校

水南有金鄉

卷八第二十三葉

下云焦氏山東卽金鄉山此落山字

焦氏山北數山

卷八第二十三葉

下山字當作里

有漢司隸校尉魯恭

卷八第二十三葉

魯恭下落冢字金石錄校增

故曰金鄉山

卷八第二十三葉

此鄉字衍文劉昭郡國志補註引晉書地道記曰縣多山所治名金山山北有鑿石爲冢深十餘丈隧長三十

丈傷卻入爲室三方云得白兔不葬更葬山南鑿而得
金故曰金山故冢今在或云漢昌邑所作或云秦時其
言與西征記異而是注下亦云有冢謂之秦王陵卽所
謂秦時冢也

石柱猶存

卷八第二十四葉

隸釋載此文作名件猶存自記云范巨卿碑至今尙在
恐名件二字水經誤也宋時寫本誤以石柱爲名件以
盤洲之淹博猶不敢妄下雌黃如此

黃水又東逕任城郡之亢父縣故城西

卷八第二十四葉

又東下落南字孫潛校增

故沛納于稱矣

卷八第二十四葉

于作兩卽上文所謂濟與泗亂是也

水軍反走

卷八第二十五葉

箋曰水軍一作永等卽劉永也按當作永軍軍字不誤

後與戰

卷八第二十五葉

後當作復

濟水又南逕彭城縣故城東

卷八第二十五葉

十一字是注混作經

縣曰徐調國也

卷八第二十五葉

漢書地理志曰徐故國莽曰徐調寰宇記引班志云故

徐國也此文徐調下落故徐二字

獨母以爲異

卷八第二十六葉

當作孤獨母落孤字

澤淘東南流

卷八第二十六葉

箋曰澤宋本作渾按淘當作濤朱氏失箋

Faint vertical text columns, likely bleed-through from the reverse side of the page. The text is illegible due to low contrast and fading.

水經注箋刊誤卷四

清水

南流西南屈

卷九第一葉

箋曰御覽引此作南流屈曲按今御覽引此作西南流
屈曲朱氏所引尙失西字

與神心妙達

卷九第一葉

達吳瑄本作遠

歷澗流飛清洞觀

卷九第一葉

箋曰御覽引此作清冷洞觀按流飛御覽作飛流未天

失引

亦曰朝陽矣

卷九第一葉

當作南陽

秦昭王越長平

卷九第二葉

越下落趙字漢書地理志註校補

有吳溝水

卷九第二葉

溝當作澤

東則三十里

卷九第二葉

東則當作東西名勝志校改

西則蔡溝入焉

卷九第二葉

蔡溝當作界溝溝下落水字

北水上承河內野王縣東北界溝爲長明溝

卷九第二葉

界溝當作光溝此文互見沁水篇

故長明溝水東入石澗

卷九第三葉

故字衍文

爲之蔡溝

卷九第三葉

爲當作謂

東入吳陂又

卷九第三葉

又當作水

陂澤

卷九第三葉

陂當作際孫潛校改

而東周永豐城

卷九第四葉

城黃省曾本作塢

天井固石

卷九第四葉

石當作右

寺十有餘僧

卷九第五葉

孫潛校本作寺有十餘僧

世謂焦泉也

卷九第五葉

世謂下落之字

穴東

卷九第五葉

穴當作次

卽汲水新中鄉也

卷九第六葉

箋曰孫云汲水當作汲郡按非也水當作之漢書地理

志註校改

太公甫生於汲

卷九第七葉

甫隸釋載此文作本

水出西北方上山西倉谷

卷九第七葉

方上山名勝志引此作方山上寰宇記衛州衛縣下引

水經注云方山在衛縣是也元豐九域志衛州汲郡防

樂古跡引水經注云方山西有倉谷落有字

謂之清河

卷九第八葉

河黃省曾本作口

唯流逕絕餘目 卷九第八葉

姜宸英校本唯作匯餘目下落尙存二字

目尙存故東川 卷九第八葉

六字衍文

沁水

沁水卽洎水也 卷九第八葉

說文洎灌釜也不云是水名寰宇記云沁水出沁州縣

上縣覆甌嶺濁漳水注云有涅水西出覆甌山東流與

西湯谿水合水出涅縣西山湯谷又東逕涅氏縣故城

南縣氏涅水也然則沁水與涅水同源合注洎當作涅

歷洛出左右近溪

卷九第八葉

歷洛孫潛校改作浴歷

又南入于澤水

卷九第九葉

當作濩澤水落濩字下同

出鹿臺山

卷九第九葉

出上落水字

卽陽阿縣之故城也漢高帝七年封下訴爲侯國

卷九第

九葉

箋曰埤按謝本作下訴考史漢表竝無其人唯琴操云

卞和獻玉于楚王封爲陵陽侯辭不受退而作歌按史
記高祖功臣侯表陽河齊哀侯以中謁者從入漢以郎
中騎從定諸侯侯五百戶功比高胡侯索隱曰陽河縣
名屬上黨地理志上黨郡有陽阿縣續志同魏書地形
志高都郡領縣二高都陽阿二漢屬上黨晉罷後復屬
方輿紀要云陽阿城在高平縣南六十里河字是阿字
之誤齊哀侯漢表作齊侯其石齊又是謚而失其姓與
是注下訴均爲不同下訴當作卞訴河水注云河水又
東北逕陽阿縣故城西漢高帝六年封郎中萬訴爲侯
國雖彼文以上黨之陽阿証平原之阿陽出于外繆然

載筆之于書可知陽阿爲新封國與馬班可參同異

今漢

書侯表多脫誤

十萬互差要是傳寫之譌耳朱氏不察紛紛牽

引甚無謂也

水歷焦燒山東

卷九第九葉

箋曰焦宋本作焦按寰宇記引此文作嶢嶢東都賦注

云嶢嶢高也若从火作焦燒果何義乎

卽開蹻也

卷九第十葉

穆天子傳云西絕鉞陞卽禹貢之岍山馬融本作開山
陞郭璞註云阪也玉篇云或作蹻當從古文作陞

其水東南流逕北卿亭下

卷九第十葉

卿當作鄉孫潛校改

東南逕陽泉水

卷九第十葉

逕黃省曾本作注

南流逕建興郡而

卷九第十葉

而當作西孫潛校改

汾上下

卷九第十葉

箋曰汾宋本作浴按寰宇記引此文作浴流上下落流字

蒙籠拔密奇為翳薈也

卷九第十葉

箋曰拔宋本作茂奇宋本作最按蒙籠當从艸作蒙龍

奇字義通下云青青彌望奇可翫也是其詞例也

沁水南逕石門也謂之沁口 卷九第十葉

也當作世

有沁水左逕沁水城西 卷九第十葉

箋曰左逕舊本作逕在按左逕二字不誤

源出銅堤山 卷九第十葉

堤當作鞮

自然成者 卷九第十一葉

者寰宇記引此文作著

沁水又逕沁縣故城北 卷九第十一葉

漢書地理志河內郡有沁水縣落水字

南東入沁水

卷九第十一葉

南東二字當倒互

出太行之阜

卷九第十二葉

出上落水字

蓋京氏之所謬耳

卷九第十三葉

所字衍文

皇都遷治

卷九第十三葉

治當作洛魏孝文帝自代遷洛陽魏書地形志懷州天

安二年置太和十八年罷

絕水出泣氏縣西北陽谷

卷九第十四葉

陽谷當作楊谷

今仍號曰白起臺

卷九第十四葉

號下御覽引此文有之字

遺壁舊存焉

卷九第十四葉

箋曰克家云疑作猶按舊字不誤

以封將軍衛青爲侯

卷九第十四葉

侯下落國字

其東南流注絕水

卷九第十四葉

其下落水字

水導源縣西北元谷 卷九第十四葉

章懷後漢書註曰涿氏縣名屬上黨西有涿谷水故以
爲名元當从水作涿後魏改涿氏縣爲元氏然谷名當
仍其舊

丹水又逕二石入北 卷九第十五葉

入當作人古人字與入相似

蘋藻冬芹 卷九第十五葉

箋曰冬字疑誤按孫潛云冬蔓冬也字不誤

一水南流于沁也 卷九第十六葉

南流下落注字孫潛校增

自方口東南流 卷九第十七葉

方口當作枋口

枝渠左水焉 卷九第十七葉

水當作出

城殷殷卽是城也 卷九第十七葉

殷字重文宜衍

然殷之爲名久矣 卷九第十七葉

然下落則字

朱溝又東南注于湖湖水又右納沙溝水 卷九第十七葉

朱溝下落水字湖水下又字衍文

起祠堂于平陵平之肥牛亭 卷九第十七葉

下平字衍文

沙溝又東逕隰城北 卷九第十七葉

沙溝下落水字

陂水又值 卷九第十七葉

值當作直又直下落武德縣南至滎陽縣北九字全祖

望校補方輿紀要懷慶府武陟縣下云沁河在縣東一

里自河內縣流入又南達于河其入河之處名南賈口

支流復自縣東北引灌田二千餘頃禹貢錐指曰沙溝

卽奉溝之下流古濟水由此入河故謂之濟渠沙溝當

在今武陟縣界也今懷慶府河內縣東有武德城又有丹河在府東北二十五里名曰丹口南流三十里入沁河沁水入河之處在武德縣界而爲陂水之所直也

淇水

活水注之

卷九第十八葉

活水當作沽水全氏曰漢書地理志上黨郡壺關縣下云沽水東至朝歌入淇此卽沽縣所以得名也有沽縣因有沽城魏書地形志樂平縣有沽城是有沽城因有沽臺晉書誤以沽城爲玷城而是注亦譌沽臺爲玷臺何超晉書音義從而實之賴有胡梅欄不錯今校正

東北會水 卷九第十八葉

會下落沾字

又歷之羅城北 卷九第十八葉

之全祖望校改三

東北與女臺水會合 卷九第十八葉

會合義複衍會字

會立石堰 卷九第十八葉

會上落水字

晉定公二十八年 卷九第十八葉

二字衍文竹書紀年校

魏徙九原西河出軍諸胡

卷九第十九葉

出軍當作土軍漢書地理志西河郡有土軍縣魏書地
形志有吐京郡卽土軍也

太和泉源水

卷九第十九葉

五字中有脫文太和下是言頓邱郡廢置之由泉源水
當連下水有二源

朝歌城西北東南

卷九第十九葉

東南上落一出二字

論撰考識曰

卷九第十九葉

論語撰考識是緯書落語字

戰國時皆屬于趙男女淫縱有紂之遺風後乃屬晉山嶮
卷九第二十葉

箋曰宋本作晉土嶮舊本 晉王嶮埜謂晉字屬上句

若言土嶮不成文理或是山字乃通按朱氏此條可謂
亂道土嶮謂地土嶮岨耳地理志云土陘而嶮文理未
嘗不成也後魏書崔延伯傳云荊州土險蠻左為寇正
與此文土險多寇相証晉字阿誰曾連下讀耶全祖望
曰後乃屬晉四字當移在戰國時皆屬于趙之上不然
三家分晉趙乃在後若云造父之國則又不得云戰國
時也

東流南屈至其城東

卷九第二十葉

至當作逕

更出

卷九第二十葉

更當作東

倦後深隍

卷九第二十葉

箋曰倦後二字譌誤未詳按廣韻港水回旋貌經典釋文春秋左氏傳音義曰浚深也倦後當作港浚

觀者若思不周賞

卷九第二十葉

箋曰疑作苦思按若字不誤

其水更逕朝歌城北

卷九第二十葉

更當作東

唯王芻編草 卷九第二十一葉

編當作篇郡國志云其縣淇水出劉昭補註云有綠竹

草唐韻篇竹草名

不異毛興 卷九第二十一葉

箋曰謝云宋本作不異毛注按詩地攷引此文是興字

卽詩所謂源泉之水也 卷九第二十一葉

源泉詩作泉源

舊淇水南 卷九第二十一葉

南當作口

至淇水口是 卷九第二十一葉

是下落也字

故渠歷楊城北 卷九第二十一葉

楊城當作枋城

東與宛口合 卷九第二十二葉

宛口寰宇記作苑口下苑水苑城竝同全氏曰卽博物

志之澳水澳苑聲相近

得舊石沮 卷九第二十二葉

沮當作逗與逗同穀水注云又枝流入石逗是也義與

石竇通

東入白祠陂 卷九第二十二葉

箋曰宋本作白杞舊本作白祀未詳孰是按方輿紀要云同山在濬縣西南四十五里其麓繇互四十餘里形若游龍高處如龍脊曰龍脊岡龍脊之左有山曰白祀洪水所逕多溢為陂祀字是也

今更東北注 卷九第二十二葉

今當作令

次于雍榆城者也 卷九第二十二葉

春秋經無城字衍文

白溝又北左合陽水 卷九第二十三葉

陽水當作蕩水亦曰湯水方輿紀要大名府內黃縣下
云湯水在府西南自河南湯陰縣流入縣境合洹水入
於衛河一名黃雀溝互見蕩水注

縣有黃澤者

卷九第二十三葉

者下落也字

世謂之義陽郭

卷九第二十三葉

後漢書光武帝紀作蕩陽章懷註云蕩陽聚名蕩與義
同詳本卷

百溝又北逕高城亭東又洹水從西南來注之

卷九第二

十三葉

東又二字當倒互

應劭曰縣故城魏武侯之別都也

卷九第二十三葉

漢志註引應劭語無縣故城三字當移在應劭曰之上

縣故城上又落魏字

清河又東北逕信鄉西

卷九第二十五葉

信鄉下落縣故城三字以河水篇注叅校

王莽之河平也

卷九第二十五葉

河平漢書地理志作平河

漢桓帝延和元年

卷九第二十六葉

延和當作建和

清河又東北逕東武城故縣城西 卷九第二十六葉

縣故城卷中恆有故縣二字當倒互

清水北逕廣川縣故城南 卷九第二十七葉

水當作河

縣有長河爲流 卷九第二十七葉

縣下落中字以漢志校補

今亭在縣東如此 卷九第二十七葉

箋曰如當作而按如往也之也此當作北如北言自東
往北也古傳如而字通用然非所論於此也

王莽更名之曰治修 卷九第二十七葉

漢書地理志作修治

左與黃漳板津故瀆合 卷九第二十七葉

箋曰板津宋本作枝津按黃漳當作橫漳即衡漳也朱

氏失箋

地理志之臨樂縣故城也 卷九第二十八葉

箋曰之疑作云按之字不誤

又東逕於樂陵郡北 卷九第二十八葉

於字衍文

又東轉逕宛鄉故城南 卷九第二十八葉

方輿紀要順德府任縣有苑鄉城云本漢南樂縣地後

為閑廢之所謂之苑鄉志云石勒置縣於此又改為清苑縣後魏時廢魏書地形志任縣有苑鄉城宛鄉當作苑鄉下落縣字

溝上承無棣溝 卷九第二十八葉

上溝字當作瀆卽上枝瀆也

河間獻王 卷九第二十八葉

箋曰舊本作靖王按史表是獻王而漢書景十三王傳

河間嗣王亦無諡靖者

王莽之逆河亭 卷九第二十九葉

逆河漢書地理志作迎河莽多忌諱故以逆為迎也

漢文帝後元年中封孝文后兄子彭祖為侯國

卷九第二

十九葉

文帝當作景帝與下寶廣國之封其誤同年字以後文

校衍

清河又北逕皮城東左會譚地別瀆謂之合

卷九第二十

九葉

箋曰地宋本作池按北逕二字當倒互譚地是滹池之

誤謂之合下落口字此文當與濁漳水篇注參校

又東北逕浮陽縣西

卷九第二十九葉

逕當作過

河東北 卷九第二十九葉

河上落清字

東北逕高城縣之宛鄉城北 卷九第二十九葉

高城漢書地理志作高成宛鄉當作苑鄉

又東逕章武縣之故城 卷九第二十九葉

故城下落北字孫潛校增

魏氏土地記曰 卷九第三十葉

氏字衍文

應劭曰浮縣浮水所出 卷九第三十葉

縣當作陽

清河又北逕浮陽故城西 卷九第三十葉

浮陽下落縣字

更封騎將軍平鄉侯劉歆為侯國 卷九第三十葉

驍騎將軍劉歆見後漢書岑彭傳落驍字

又東北潯沲別瀆注焉 卷九第三十葉

潯字誤寫當作潯後竝同

又東北逕窮河邑南 卷九第三十葉

逕當作過

東北至泉周縣北入潯沲水經曰笱簿泉周縣東南與清

河合者目下為清河下邑也 卷九第三十一葉

箋曰當作白溝當作溝按曰字不誤曰下之下衍文
沽水篇經云又東南至雍奴縣入笥溝又東至泉州縣
與清河合此卽酈氏所稱經曰者也本文東北至泉周
縣北入滹沱水句經曰句笥溝下落至字連下讀若依
朱氏所云曰作白不知燕趙之境有白溝亦有笥溝而
無白笥溝其誤審矣

又東泉周泉出焉卷九第三十一葉

箋曰泉當作縣按孫潛校改作水泉周水卽泉州渠魏
書武帝紀鑿渠自呼沱入派水名平虜渠又從洵河口
鑿入潞河名泉州渠以通海詳見沽水注中朱氏改泉

周縣非是

蕩水

盧林四王起事曰

卷九第三十一葉

隋書經籍志晉四王起事四卷晉廷尉盧緄撰林當作

緄

廣雅稱獄犴也

卷九第三十二葉

稱全氏校改牖

其水道源里山北谷

卷九第三十二葉

里山當作黑山見清水注

洪水又東

卷九第三十二葉

淇水當去水傍作其卽長沙溝水也非出隆慮之淇水

東北至內黃澤右入蕩水

卷九第三十二葉

郡國志曰內黃縣有黃澤內黃縣名非澤名澤當作縣

水又逕內黃城南

卷九第三十二葉

水上落其字又下落東字

洹水

縣有黃水

卷九第三十三葉

黃水御覽玉海引隋圖經竝作黃華水下同

黃華谷地崖山高十七里

卷九第三十三葉

箋曰地宋本作北按山隋圖經作上

出林慮川北澤中

卷九第三十三葉

出上落水字川當作山

又東北出山逕鄴縣南

卷九第三十三葉

逕當作過

連逕殷墟北

卷九第三十三葉

連當作東

自奄遷于此遂曰殷

卷九第三十三葉

此遂全氏校改北蒙按竹書紀年盤庚十四年自奄遷于北蒙曰殷史記正義曰括地志云相州安陽縣本盤庚所都卽北蒙殷墟南去朝歌城百四十六里是也此

遂字誤

北逕東明觀下

卷九第三十三葉

北下落水字下南水字可證

碧林浦側可遊意矣

卷九第三十四葉

浦側當倒互作側浦意當作憩

其水際其西

卷九第三十四葉

全氏云其水當加水作淇淇水經云屈從縣東北與洹

水合是也

東北逕女亭城北

卷九第三十四葉

東北上落又字

又東逕鷓鴣陂 卷九第三十四葉

鷓鴣陂下名勝志引此文有黃衣水注之五字今校增

縣南角有斥邱 卷九第三十四葉

漢書地理志魏郡斥邱縣應劭曰斥邱在西南落西字

又屈逕其北城 卷九第三十四葉

北城當作城北

石遵自孚城北入斬張豹于安陽是也 卷九第三十四葉

孚城當作李城張豹當作張豺方輿紀要云晉永和五年石虎沒其下張豺擅命虎子遵時出鎮關右至李城

舉兵趨鄴晉書載記作季城誤也

左側則溝出焉 卷九第三十四葉

則當作白

濁漳水

發鳩山之漳水焉 卷十第一葉

之漳水焉四字衍文

梁水出南梁山 卷十第一葉

出南二字當倒互

北流至長子縣故城南 卷十第一葉

至當作逕

鄭取屯畱尚子沮 卷十第一葉

箋曰沮一作沮疑作則按非也蓋是涅字之誤

屈從縣東北流注

卷十第二葉

注字衍文

陶水南出南陶北流至長子城東

卷十第二葉

全氏云南陶當作陶鄉魏書地形志長子縣羊頭山下有神農泉北有穀關卽神農得嘉穀處有泉北流至陶鄉名陶水合羊頭山水北流入濁漳是也至當作逕

絳水西出穀遠縣東發鳩之谷謂之絳水

卷十第二葉

之字當移在發鳩之上全氏云謂之絳水四字誤文宋槧本是又有一水今校正胡東樵不識因以濫水爲絳

水之源大非

故畱子國也 卷十第二葉

子當作吁

故桑欽云絳水屯畱西南 卷十第二葉

箋曰孫云水下當有逕字按漢書地理志注是出字

陳水注之 卷十第二葉

陳當作凍說文校正

水出西發鳩山 卷十第二葉

出西二字當倒互

封景丹尚子為侯國 卷十第二葉

尚子二字當倒互後漢書景丹傳校

入關從水章聲也 卷十第二葉

關當作河章當作東說文校正

漳水逕壺關縣故城西 卷十第二葉

漳水下落又東北三字孫潛校增

與鞮水合 卷十第三葉

當作銅鞮水落銅字

出入持山 卷十第三葉

箋曰入持當作入特按出上落水字

西北好松山 卷十第三葉

西北下落出字

東南注于銅鞮 卷十第三葉

銅鞮下落水字

銅鞮水又東南流逕頃城西 卷十第三葉

箋曰頃一作項按朱氏下文既引後魏地形志長子有頃城而此又云一作項何無定見也

銅鞮又南逕胡邑西 卷十第三葉

銅鞮下落水字

又東北過屯雷縣潞縣北 卷十第三葉

箋曰謝兆申云宋本無屯雷縣三字全氏曰謝耳伯所

見是誤本非真宋本也上文注云壺關在屯畱東不得先壺關而後屯畱則經文以屯畱置壺關之後明矣道元所以糾之柰何謂經無此文乎但今本屯畱縣下脫去南字耳

鄣固山泉

卷十第四葉

鄣固上落評字全氏校增

鬻水與軍入絹匹水二石

卷十第四葉

箋曰入宋本作人按人古字與入相似然此是入字不是人字十六國春秋亦作入

佗大川

卷十第四葉

佗上落無字何焯校增

縣北對故壁臺 卷十第四葉

臺壁地名在今潞城縣北魏書地形志并州漢晉治晉

陽晉末治臺壁是也二字當倒互下竝同

漳水于是左右黃須水 卷十第四葉

左右全氏云當作左合

土離兵害 卷十第四葉

箋曰離宋本作罹按法言羅謂之離易小過飛鳥離之

義自通也

有洹水西出覆甌山 卷十第四葉

洹當作涅

出涅縣西山湯谷

卷十第四葉

出上落水字

東與白雞

卷十第四葉

白雞下落水合二字孫潛校增

又東南與武鄉水會焉水源出武山

卷十第五葉

與字衍文武山當作武鄉山晉書載記云石勒居武鄉

北原山下是也

西南與鞞鞞白壁二水合

卷十第五葉

鞞當作鞞壁當作壁黃省會本校

水流西北出隱室山

卷十第五葉

流當作源

東南注潢水

卷十第五葉

箋曰克家云疑作涅水按非也卽上文黃水耳

倉石水入焉

卷十第五葉

石當作谷下同

方乃自津山頂

卷十第五葉

津當作臻

卽庚眩墜處也

卷十第五葉

箋曰庚眩未詳或當是爰眩之譌地志所謂後眩之岸

也按閻若璩云晉書庾袞傳袞字叔褒適林慮山石勒來攻乃相與登大頭山而田于其下將收穫命子岫與之下山中塗目眩瞽墜崖而卒殆是卽庾袞眩墜處也朱氏不知妄爲附會亦由未記晉書耳

又注于蒼溪水

卷十第五葉

蒼當作倉卽倉谷溪水也

又東過武安縣

卷十第六葉

武安縣下落南字以清漳水經文參校補

漳水于縣東清水自涉縣東南來注流之世謂決入之所

謂交漳口也

卷十第六葉

箋曰謝云宋本漳水下有逕字按漳水於縣東自足成
文不煩添補清水當作清漳水注流常倒互作流注下
謂字當作爲

又東汗水注之

卷十第六葉

箋曰汗宋本作沂按史記項羽本紀羽使蒲將軍日夜
引兵渡三戶軍漳南與秦戰羽悉引兵擊秦軍汗水上
徐廣曰在鄴西索隱曰汗音于郡國志鄴縣有汗城劉
昭補註引水經注證之沂字非也

里中作十二澄

卷十第七葉

御覽引此文里中上有二十字今校補

東出石竇下注之湟水 卷十第七葉

石竇下落堰字地形志校補湟水當作洄水

屈柱跌瓦 卷十第八葉

箋曰屈柱似是屋柱之譌按屈柱曲柱也與跌瓦字對

跌瓦今所謂筒瓦其形半圓

今鄴西臺是也 卷十第八葉

當作鄴西三臺落三字

其中曰銅臺 卷十第八葉

箋曰謝云銅下當有雀字按通鑑注引此文無其字宜

衍

石虎更增二丈 卷十第八葉

通鑑註引此文石虎上有其後二字今校補

南則金雀臺 卷十第八葉

金雀當作金虎事見魏書武帝紀李善文選魏都賦註
云銅雀園西有三臺中央銅雀臺高十丈有屋一百一
間亦曰中臺南有金虎臺高八丈有屋一百九間亦曰
南臺北則冰井臺亦高八丈亦曰北臺有屋一百四十
五間上有冰室室有數井藏冰及石墨又有粟窖及鹽
窖其言三臺名義制度詳晰如此溫飛卿有金虎臺詩
云碧草連金虎青苔蔽石麟初學記引陸翽鄴中記作

金獸臺時避虎諱故作獸而劉逵文選註曰南有金鳳臺則誤也劉獻庭廣陽雜記曰方聲遠云考鄴都三臺碑記銅雀已沒水中冰井尙餘其半金鳳上有真武閣乃獨存耳按齊文宣本紀天保九年八月改銅雀曰金鳳金武曰聖應冰井曰崇光則金鳳銅雀一也何以碑記之譌若此唐人避諱故以虎爲武

又有粟窖及監

卷十第九葉

箋曰監疑作鹽按李善文選註作鹽窖黃省曾本作鹽窖此落窖字

呪當爲河伯婦

卷十第十葉

箋曰呪字誤史記作云是當爲河伯婦按廣韻呪詛也
通作祝書無逸厥口詛祝疏云以言告神謂之祝不當
引史記以相難也

溢水入焉

卷十第十葉

溢當作濫濫水見前壺關縣注

鄴師邯鄴師於平陽者也

卷十第十一葉

鄴師下落敗字寰宇記云臨漳縣有平陽故城孫之驥
考定竹書曰今本無之

白渠水水出魏郡武安縣欽口山

卷十第十一葉

水字重文宜衍

又東與拘澗水合 卷十第十一葉

漢書地理志作拘澗水澗字誤下竝同

水導源武始東山白渠 卷十第十一葉

漢書地理志云拘澗水東北至邯鄲入白渠落入字

互相纏靡 卷十第十二葉

靡黃省曾本作縻

言覃漳水橫流也 卷十第十三葉

覃字衍文孔安國傳云漳水橫流入河

漢元帝元康三年置 卷十第十三葉

元帝當作宣帝別見洪水館陶縣注中

又考史記同 卷十第十三葉

箋曰孫云史記二字疑誤按史記當作漢書蓋曲周置

縣與鄜商封國班史志傳異文耳

在縣市補履數年 卷十第十三葉

列仙傳作數十年落十字

衡漳又北逕巨橋祗閣西 卷十第十三葉

祗當作祗祗閣卽邸閣也祗邸字通

服虔曰巨橋倉名鉅鹿水之大橋也 卷十第十三葉

按史記殷本紀裴駟集解引服虔曰巨橋倉名許慎曰

鉅鹿水之大橋有漕粟也則鉅鹿水之大橋本叔重說

今補此三字

今河內北共山

卷十第十四葉

漢書地理志河內郡共縣下云北山淇水所出清水注云共縣故城卽共和故國共山在國北所謂共北山也北共二字當倒互

降讀如城降于齊師之降蓋周時國于地者

卷十第十四葉

葉

城當作邾此春秋之邾國也地上落此字

故改之共耳

卷十第十四葉

之當作云

又今河所從

卷十第十四葉

從當作徙

其縣故本共和之故國

卷十第十四葉

上故字衍文

不惡降而更稱

卷十第十四葉

不下落因字

但是水導源共出北

卷十第十四葉

箋曰出宋本作山按當作其北山

元因欲成降議

卷十第十四葉

議當作義

乃書有過降之 卷十第十五葉

之下落文字

八牧代絕 卷十第十五葉

牧當作枝漢書敘傳云北亡八支

猶謁斯廟為銅馬劉神寺 卷十第十六葉

箋曰謁當作謂按隸釋載此文作揭

其水與隅醴通為衡津 卷十第十六葉

隅當作渦寰宇記邢州龍岡縣下云渦水一名澧水說

文音隅師古音耦

其一水北出逕縣故城西 卷十第十七葉

涇縣當作經縣郡國志經屬安平國地理志堂陽縣下
云嘗分涇縣卽經縣也

蓋變引葭之名也 卷十第十七葉

引葭漢書地理志作列葭

今於故縣城南 卷十第十七葉

故縣二字當倒互

長蘆水又東涇九門波 卷十第十七葉

箋曰謝云宋本作坡一作城按通鑑註引此文作九門

陂一統志九門故城在藁城縣西北本戰國時趙邑漢
置九門縣屬常山郡後漢至晉因之後魏徙常山郡治

此北齊縣廢陂在縣境故即縣以名之

又東逕扶都縣故城南 卷十第十七葉

漢書地理志信都國有扶柳縣都字誤

封寇恂子楫為侯國 卷十第十七葉

楫後漢書作損

城南有獻帝南巡碑 卷十第十七葉

是後魏獻文帝落文字

及北流 卷十第十八葉

及當作又

屈逕陳餘壘而 卷十第十九葉

而當作西

王莽更之曰申苗者也

卷十第十九葉

漢書地理志作暢苗申字誤

白渠水又東南逕開縣故城北

卷十第十九葉

漢書地理志常山郡有關縣方輿紀要以爲卽春秋之
欒也哀公四年齊國夏伐晉取欒蓋欒武子之封邑矣
漢以爲關縣建武中以張況爲常山關長卽斯縣也開

字誤

封許瘞爲侯國

卷十第十九葉

瘞史記侯表作瘞

昔漸離擊欽傳工

卷十第十九葉

當作高漸離落高字傳工當作傭工史記校正

有武亭

卷十第二十葉

當作敬武亭落敬字

白渠又東

卷十第二十葉

白渠下落水字

地理志曰大白渠東至曲陽入浚河者也

卷十第二十葉

班志原文是東南至下曲陽入斯浚河今補三字

於藁縣之烏子堰

卷十第二十葉

漢書地理志眞定國有藁城縣落城字

白渠泝水又東逕曲陽城北

卷十第二十一葉

泝當作枝曲陽上落下字此是鉅鹿之屬縣

尋求父老不得

卷十第二十二葉

父老何焯校改老父

逶迤東北注謂之九爭

卷十第二十二葉

九崢之名亦見濡水注此水逶迤屈曲似之故同其稱

當从山作崢

列葭水注也

卷十第二十二葉

也當作之方輿紀要校

淵之西南之側水有武強縣故治

卷十第二十二葉

西南下之字衍文

俗名之東相 卷十第二十三葉

名之下落曰字吳瑄本校增

別出北 卷十第二十三葉

注云衡漳於縣無別出之瀆北下落瀆字

縣北者 卷十第二十三葉

縣上落出字

溝水自始決水也 卷十第二十三葉

箋曰始宋本作此按溝水當作瀆水即虜沱故瀆也下

水字當作入

魚釣隱身

卷十第二十四葉

魚劉昭郡國志補註引決錄注作漁

舊溝又東逕脩市縣故城北

卷十第二十四葉

溝當作瀆

循縣

卷十第二十五葉

漢書地理志勃海郡有脩縣應劭曰音條循字誤下竝

同

分爲二川北逕弓高城西

卷十第二十五葉

分爲二

句

下落一字孫潛校增

謂之陽決口

卷十第二十五葉

水經注卷三十三
決當作津

樂成縣故城南

卷十第二十五葉

樂成兩漢爲河間國治至桓帝始加陵字此文尚仍舊

稱說見下

漢文帝別爲國

卷十第二十五葉

漢文帝下黃省會本有二年字考漢志良是

漢宣帝封子開於此

卷十第二十五葉

宣帝是章帝之誤

故加陵曰樂陵也

卷十第二十五葉

全氏云此三字縣也是水經特筆以見縣本以樂成陵

三字結名與史志可參異同陰溝水篇有樂成陵令許
嬰碑

衡津又東逕建成縣故城南 卷十第二十六葉

津當作漳

衡漳又東右會楊津溝水 卷十第二十六葉

楊當作陽

自澤水東逕阜城南 卷十第二十六葉

澤水吳瑄本作枝水亦誤當作溝卽陽津溝也

王莽更名吾城者 卷十第二十六葉

者下落也字

又東北入清河 卷十第二十六葉

入胡渭校改合

東北注之 卷十第二十六葉

東北上落浮水二字全氏校補

東北逕參后亭 卷十第二十六葉

漢書地理志勃海郡有參戶縣后字誤下同

清漳亂流而東注于海 卷十第二十七葉

清漳上落與字

清漳水

大黿谷 卷十第二十七葉

甬字誤當作雙漢書地理志北地郡有大雙縣師古曰
雙卽古要字是注亦云大要谷可互證也

清漳出揭戾山

卷十第二十七葉

揭當作謁

舊名清漳縣

卷十第二十七葉

縣字衍文

東南注南水

卷十第二十七葉

注下落于字方輿紀要校增

訪梁榆之虛郭

卷十第二十七葉

箋曰謝云宋本作虛郭按寰宇記是郭字通鑑註引此

經注卷二十七

文同

桓亦云 卷十第二十七葉

箋曰桓字誤似是松字謂袁松也全氏云非也蓋是袁

豹

漳水於此有涉之稱名因地變也 卷十第二十八葉

寰宇記引此文作有涉河之稱蓋名因地變也增二字

水經注箋刊誤卷四終

水經注箋刊誤卷五

易水

猶王興之五子也 卷十一第一葉

猶全氏校改卽

觸目怡情 卷十一第一葉

怡情黃省曾本作栖情

取暢林木 卷十一第一葉

箋曰木一作水按木字不誤

水源西出廣昌鄉縣之樊石山 卷十一第一葉

鄉字衍文

易水又東逕武陽南 卷十一 第二葉

武陽下落城字孫潛校增

易水逕故安城南外東流 卷十一 第二葉

下云今水被城東南隅城南之南當移在東字下

事明經證 卷十一 第二葉

明經二字當倒互

今水破城東南隅 卷十一 第二葉

破當作被

易水逕出范陽縣故城 卷十一 第二葉

出字衍文故城下落南字

王莽之通順也 卷十一第二葉

漢書地理志作順陰

出故安縣西北窮獨山 卷十一第二葉

出上落水字

東西北注濡水 卷十一第二葉

北黃省曾本作流東西字亦誤當作東南

昔燕丹納田生之言 卷十一第三葉

箋曰生宋本作光按王楙野客叢書曰先生之語古亦

有單稱一字者叔孫通與諸弟子共爲朝儀曰叔孫生

眞聖人也梅福曰叔孫先非不忠也又觀張釋之龔遂

等傳所謂王生結韞公卿數言鄧先皆此意也田光爲
時所尊貴戰國策鞠武曰燕有田光先生者酈故曰田
生也朱氏欲改生爲光殆未識斯義耳

俱在罍阜之上

卷十一第三葉

箋曰罍當作岡按罍岡音同通用注例作罍字

上邪而下方

卷十一第三葉

邠孫潛校改衰

左右百步一釣臺

卷十一第三葉

名勝志引此文作有二釣臺今補正

南北如滅

卷十一第三葉

如御覽引此文作加黃省曾本亦是加字

卽此臺 卷十一第三葉

御覽引此文作卽斯臺也今補正

北有蘭馬臺 卷十一第三葉

御覽引此文作北有小金臺臺北有蘭馬臺今補正

尙傳鐫刻之名 卷十一第四葉

名字誤全氏曰當作石

又東得白楊水口出遼縣之西山白楊嶺下 卷十一第四

葉

箋曰孫云口疑作水按口字不誤出上落水字之字衍

文

西南南流與石泉水會

卷十一第四葉

南字重文宜衍

石上赤土又高一丈四壁直立上廣四十五步

卷十一第

四葉

丈字衍文四當作匹直立當倒互說文匹四丈也小爾雅倍兩謂之匹孫潛云以柳僉鈔本校正

故俗有并溝之稱矣

卷十一第五葉

矣黃省曾本作焉

許慎曰濡水入深深渠

卷十一第五葉

箋曰許氏說文云濡水出涿郡故安東入漆涑按此條不誤說見下

南濡北易至涿郡范陽縣會北濡又竝亂流入涑

卷十一

第五葉

箋曰古本作亂流入沫疑此沫字當作涑字說文可據吳本改作入涑按上條本文不誤此條吳瑄本改沫爲涑是也說文漆水出右扶風杜陵岐山東入渭一曰入洛不聞別有涑郡之漆也又說文涑滌也从水束聲河東有涑水速侯切又涑小雨零貌从水束聲所責切初不云是水名至廣韻集韻始云水名在北地蓋承誤本

說文東入漆涑之語而為之辭檢說文涑字云水起北

地廣昌東入河从水來聲并州浸漢志代郡廣昌縣下

云涑水東南至容城入河過郡三行五百里并州浸方

輿紀要云郡三謂代上谷涿也涑水不經上谷三郡水代涿勃海紀要亦誤

經巨馬河篇云河出代郡廣昌縣涑山注云即涑水也

又云涑水上承故瀆于迺縣北垂重源再發結為長潭

自成淵渚謂之巨馬河亦曰渠水是篇注云濡水合渠

許慎曰濡水入深深渠二號即巨馬之異名正與彼文

相照沛水篇有源源水沁水篇有羸羸水泗水篇有涓

涓水獲水篇有淨淨溝是其名例矣故知道元所見之

說文與世本大異古漆字似涑字隸續云地皇候鉦書
七作來韓勅碑書漆作涑是其明證若涑字又漆字重
文傳寫之譌朱氏不察反致疑于酈注之深深渠吳本
改正之涑水真所謂身入酒國以不狂爲狂者也

東逕容成縣故城北

卷十一第五葉

東逕上落巨馬水又四字全氏校補

壑達洞開

卷十一第六葉

壑當作豁

歷逕荆陘北

卷十一第六葉

逕字誤黃省曾本作送寰字記引九州記曰送荆陘在

易縣西南三十里卽荆軻入秦之路也

俗又謂水爲武遂津

卷十一第六葉

謂下落是字名勝志校增

孝成十九年趙與燕易

卷十一第六葉

孝成下落王字趙與燕易下落土字史記校補

東南流出長

卷十一第七葉

長下落城字孫潛校增

北新城縣東二十里有有樊輿亭

卷十一第七葉

箋曰克家云有字或作東按何焯云有字衍一

渥水注之

卷十一第七葉

寰宇記引此文作泥下大泥澱小泥澱竝同泥卽溼之

省與渥相似

水南流注易水

卷十一第七葉

水上落其字

謂之渥同口

卷十一第七葉

寰宇記晏元獻公類要引此文皆作泥洞口

水側有渾渥城

卷十一第七葉

渾渥城當作渾泥城金泰和四年改渾渥城為渥城縣

與隋人之置毛州之誤正同

易水出北新城城北

卷十一第七葉

下城字當作西孫潛校改

今者地壁夷平

卷十一第八葉

地當作城卽易京城也

卽瓚所堡也

卷十一第八葉

堡當作保

闕駟稱太子子丹

卷十一第八葉

黃省曾本作燕太子丹今校正

燕太子稱荆入秦太子與知謀者

卷十一第八葉

箋曰謝兆申云宋本無燕太子稱以下十三字當刪之
按此亦妄說也燕太子當作燕丹子渭水注引燕丹子

曰秦王爲機發之橋蓋襲用其書也風蕭蕭之歌高漸離宋如意之事皆出于燕丹子故知耳伯之非荆下落軻字

宋如意知之 卷十一第八葉

知黃省曾本作和

又東過東州縣南東入于海 卷十一第九葉

箋曰按漢地理志東州亦屬勃海郡古本作泉州誤也孫云東州縣在今河間縣境內按黃省曾本作泉州字不誤也沽水篇經云又東南至泉州縣與清河合東入海注云清淇漳洹滏易涿濡沽滹沱同歸於海則是易

水亦至泉州合清河入海也漢志泉州縣屬漁陽郡今
通州武清縣地正直沽入海之處方輿紀要曰樂史云
易水有三源流經易州南三十里者曰中易水出州西
北三十里窮獨山者謂之濡水亦曰北易水出州西南
六十里石獸岡者謂之雹水亦曰南易水中易水流經
定興縣西亦謂之白溝河涑水縣之拒馬河流合焉又
東逕安肅縣北及容城縣北濡水流合焉所謂北易水
也又經新城縣南亦曰拒馬河歷雄縣及順天府霸州
之北又東經東安縣及永清縣南入武清縣之三角淀
又東南至小直沽與衛河合達于海此易水之東出者

也其南易水卽雹水也自安肅容城縣南又東南經安州北東至雄縣亦名瓦濟河又東歷河間府任邱縣霸州之保定縣文安縣南引而東合于滹沱河注于海此易水之別出而東南流者也蓋易水之源竝出于易州而其流自不相亂或曰易水或曰故安水則推其本而言之也或曰拒馬河或曰白溝河則從其流而言之也或曰滋河或曰沙河唐河則因其所匯之川言之也或又曰易水本無正流附合支川以達于海故自漢以來言易水源流多未得其詳云宛溪之言可稱明白了當水經未嘗兼敘南易道元從而釋之與經文有如柄鑿

之不相入朱氏改泉州爲東州以爲易水既流經勃海
文安與東州相近不應又改途北出至漁陽郡之泉州
也經注不明致有斯蔽妄以疑意改竄舊文有識之士
深所不取

澹水

又東泉水注之

卷十一第九葉

泉水上落莎字

水中自源南注澹水

卷十一第九葉

上云亭在南原上此當是中原源字不从水中自二字
當倒互

則名不因靈王 卷十一第十葉

靈王上落武字

車駕沿革 卷十一第十葉

箋曰沿革字未詳按是沿沂之譌

川有一水 卷十一第十葉

准下匯川三合之文一當作二

雖川三合 卷十一第十葉

雖字誤全氏曰當作匯蓋與嘉牙川水合流也以是知

上文一水當是二水之譌

起御座於松園建祗洹於東圃東北二面岫郭高深 卷十

箋曰古本云起御座於松園建祗洹東圃北二面岫郭
高深謝兆申云宋本無東字疑當作建祗洹園東北二
面云云按本文無誤字朱氏乃引古本誤文以相證何
也若如謝說文義豈可通乎

峽右山則有祗洹精廬

卷十一第十一葉

則當作側

分石飛懸水一匹有餘

卷十一第十一葉

水字衍文

又東流歷山

卷十一第十一葉

寰宇記引此文作歷鴻山落鴻字

兼縣上所拯也

卷十一第十一葉

全氏云上當作土拯當作極

水出中山城之西如北

卷十一第十一葉

箋曰謝云宋本無如字按如往也言自西往北也

側水銳山

卷十一第十二葉

寰宇記引此文作側而銳上今校正

故曰中山也

卷十一第十二葉

中山山誤當作中山城

名堯始城

卷十一第十二葉

路史餘論曰望都城東有堯故城俗呼爲堯姑城姑故
音同始字誤也後同

但苦其不東觀矣

卷十一第十二葉

箋曰謝云其不矣三字疑有脫誤按無脫誤也謝說非

水出中山城北郎中阜下

卷十一第十二葉

郎中當作郎山

然於城非西在

卷十一第十二葉

箋曰在疑作北按西在二字當倒互孫說非

世謂之京

卷十一第十三葉

京下落陵字陵亦邱也

南對漢頃王陵 卷十一第十三葉

頃王上落中山二字

是城西平城之地泉湧而出 卷十一第十三葉

於文是城之西北平地泉湧而出孫潛用柳僉鈔本校

正

駟所說此則非也 卷十一第十四葉

此全氏校改北

城北去山五里 卷十一第十四葉

山上落堯字

然則俗謂之都香山 卷十一第十四葉

都山以堯母慶都得名香字衍文蓋不學人有聞于都
梁之為香而妄加之也

周同姓 卷十一第十五葉

周同姓下當接下十三行周之衰也至十四行築城以

固之三十字錯簡於此

周之衰也 至 築城以固之 卷十一第十五葉

三十字是錯簡當移在前六行周同姓下此處當移十

六葉七行昔耿伯昭至九行盧水池二十六字錯簡於

此

故城北藉水以取名矣 卷十一第十五葉

北當作地

際水有漢王故宮處

卷十一第十五葉

漢下落中山二字初學記引此文校增

爲利利靈圖

卷十一第十六葉

利利二字當倒互孫潛校正

今府榭猶傳故制

卷十一第十六葉

故制下當接九行自漢及燕中間昔耿伯昭至盧水池
二十六字錯簡當移在前十五葉十二行治水南盧奴
縣之故城下

自漢及燕

卷十一第十六葉

漢全氏校改漢謂漢中山國及後燕也

水出洛光涓 卷十一 第十六葉

涓當作溝名勝志引此文校改

受胡泉 卷十一 第十七葉

受上落水首二字

又東逕安喜縣南 卷十一 第十七葉

逕當作過

沙息壤加以城池板築既興 卷十一 第十七葉

箋曰謝云宋本作加以城池按謝改池為地是也云加以城池則誤矣加字屬上讀以城上落重字當作沙息

壤加重以成地板築既興沙息壤加者謂水漂沙去用

成沃壤若連下讀則沙息壤三字如何成文

有舊盧奴之鄉也 卷十一第十七葉

有當作古

趙靈王 卷十一第十九葉

靈王上落武字

俗名之曰濁鹿羅地地不遠 卷十一第十九葉

箋曰羅地地字有脫誤未詳按羅與邏通遮邏也濁鹿

邏如魏書章武王融傳白牛邏之類又趙郡王幹傳云

以駙邏無兵蓋戍守之別名也上地字當作城

方數里 卷十一第十九葉

方下落廣字名勝志引此文校增

至若變童艸角 卷十一第十九葉

箋曰古本作變童艸及當是艸少之譌吳改作艸角按

孫潛校改艸友不如楊慎引此文作艸女為善

博水又東逕自隄亭南 卷十一第十九葉

自名勝志引此文作白

世代又遠 卷十一第二十葉

箋曰謝云宋本又作云疑作久按又字為是

湍水於城北曲而西流 卷十一第二十葉

湍水漢書地理志註作濡水下竝同

又南逕安陽亭東晉書地道記曰蒲陰縣有安陽關

卷十

一第二十葉

安陽當作陽安以郡國志校正漢書王子侯表有陽安侯平趙敬肅王子武帝元朔元年封卽此陽安也而世本俱誤作易安非矣

因河仍壩 卷十一第二十葉

河當作阿

水出北平縣西南魚山山石善巨焉水發其下

卷十一第

二十一葉

箋曰魚山以下疑有譌誤按寰宇記引此文云山石若

巨魚水發其下今校正

齊與燕會于濡水

卷十一第二十一葉

水左傳作上

濡水出高易縣

卷十一第二十一葉

箋曰易當作陽按易古文陽字如此之類其義甚淺實

爲辭費

盛若蟻蛭

卷十一第二十一葉

箋曰謝云宋本作咸若蟻蛭按博雅盛多也言層山之

多如蟻封也盛字不誤

亦峻嶮也 卷十一第二十一葉

箋曰謝云峻嶮疑作峻嶮按廣韻嶮音盛山名在剡縣
集韻音乘亭名在吳均與上峻字義不合類篇嶮音凍
山脊也峻嶮山之最高處也謝說非

皆翼對層巖 卷十一第二十二葉

巖名勝志引此文作巒下云巖障深高故知巒字爲是
逕五迴之嶮途 卷十一第二十二葉

途名勝志引此文作邃

徐水屈東北逕郎山 卷十一第二十二葉

屈字當移在東北之下

又屈逕其山南岑山岑競舉 卷十一第二十二葉

名勝志引此文衍上岑字初學記引此文作衆崖競舉
於文是衆岑競舉

山內有郎山碑 卷十一第二十二葉

內當作南郎山下落君字

徐水又逕郎山君子中觸鋒將軍廣南 卷十一第二十二葉

葉

下云是太白君碑郎山君之元子也據此當作郎山君

中子廣當作廟

潁邱太守 卷十一第二十二葉

晉書地理志云廢東郡立頓邱又云頓邱郡泰始二年

置頓邱是頓邱之誤

幽冀二州以代子詔書

卷十一第二十二葉

箋曰以代子語有譌脫按隸釋載此文是戊子蓋詔書

以是日下也

南出乘崖

卷十一第二十二葉

箋曰乘當作垂按乘字不誤

傾瀾泄注

卷十一第二十二葉

箋曰克家云泄疑作瀉按泄散也亦作洩會稽五泄卽瀑布也此水乘崖注下與泄溪同義無可疑者一字之

工髣髴與山水之靈相默契也

蓋徐州之別名也 卷十一第二十三葉

州黃省曾本作水

又東南與沈水出蒲西 卷十一第二十三葉

於文當作又東南與沈水合水出蒲城西孫潛校增三字

徐水又東左合會曹水 卷十一第二十三葉

會字衍文

曹水又東南逕北新城縣故城南河南又逕北新城故城

北此王莽之朔寧縣也 卷十一第二十三葉

河南二字衍文北新城下落縣字此字是北字重文之
誤亦宜衍朔寧漢書地理志作朔平今校正

水又東南逕一故城北

卷十一第二十三葉

水上落徐字

入于博

卷十一第二十三葉

箋曰博古本作河按此是班固原文在中山國北平縣
蓋徐入博博入河朱氏乃欲以俗本改漢書耶

他說無依城之名

卷十一第二十四葉

他說當作地說

聖水

故燕也 卷十二第一葉

也當作地

屈而流也 卷十二第一葉

而下落南字

俗為之羊頭溪 卷十二第二葉

為當作謂

水出縣西北大防南山 卷十二第二葉

南山當倒互孫潛校改

又東逕聚聖南 卷十二第二葉

聚聖二字當倒互

又名之曰非潔之溝也

卷十二第二葉

箋曰潔一作理按潔理音同傳寫之差潔水卽濕水注云涿水自涿鹿縣東注濕水此云非潔之溝蓋未與濕水合也

卽杭水也

卷十二第二葉

箋曰汝澄曰杭水疑作范水涿之爲范陽郡蓋亦取於此按非也漢書地理志涿縣下云桃李首受涑水分東至安次入河又良鄉縣下云洹水南東至陽鄉入桃桃

杭字近致譌

出涿縣故城西南

卷十二第二葉

出上落水字

非桃水也

卷十二第二葉

桃水是桃仁之誤詳本卷

故在山谷爲涿耶水

卷十二第三葉

山谷當作上谷濕水經云又東過涿鹿縣北酈氏以涿水釋之漢志涿鹿縣屬上谷郡蓋在上谷郡爲涿水而經廣陽郡者卽是聖水名因地變也

城內東北角有晉康王碑城東有范陽王司寇虓廟碑

卷

十二第三葉

晉書列傳范陽康王綏子虓司寇當作司馬黃省曾本

校

匈奴降王賜

卷十二第三葉

箋曰賜古本作勝按史記漢書皆作賜

而南注澤渚水

卷十二第四葉

當作鳴澤渚水字衍文

導泉

卷十二第四葉

泉當作原

世謂寒號非也

卷十二第五葉

謂下落之字寒號下落城字

巨馬水

水經注卷五

卷五

十九

東潛趙氏定本

王莽之廣屏魏封樂進爲侯國矣

卷十二第五葉

矣字當移在廣屏之下名勝志校

謂之石曹水

卷十二第五葉

曹當作槽樂史云孟門山一名石槽河南有山鑿中如石槽此亦其類也

水南發谿

卷十二第六葉

谿上落桑字鮑邱水注云桑谷水注之蓋谿出桑谿故也可證

蓋霍原隱教授處也

卷十二第六葉

下云徐廣云原隱居廣陽山此落居字

爲王浚所召 卷十二第六葉

召全氏校改害

左會壘砢溪水 卷十二第六葉

壘吳瑄本作壘壘砢亦作磊砢上林賦云水玉磊砢玉

篇衆小石貌

水出檐石砢 卷十二第六葉

石黃省曾本作車

東南流逕聖人東南城 卷十二第六葉

箋曰謝云宋本作逕聖人城東南按非也下文多一東

字南城二字當倒互蓋紫石水出聖人城北又逕城東

此檐車水流逕城南南流注于紫石水城之三面皆水之會也

涑水東逕徐城北出焉 卷十二第六葉

出焉上落沙溝二字

即涑之故瀆矣 卷十二第六葉

之當作水

涑流控引水自成淵渚 卷十二第七葉

箋曰控引下落其字按非也水字衍文

十一許步 卷十二第七葉

十一當倒互名勝志校

東南流逕縣故城東

卷十二第七葉

縣上落迺字

北屈滙于桃水

卷十二第八葉

箋曰滙宋本作注按滙本作匯尙書孔傳曰匯迺也不得改爲注

余而南枝溝

卷十二第八葉

箋曰謝云宋本作而合南枝溝按合字當在南字下

水上承護陂

卷十二第八葉

護當作濩

東南逕臨鄉南漢封廣陽王子須爲侯國

卷十二第八葉

漢書王子侯表臨鄉頃侯雲廣陽頃王子元帝初元五年封臨鄉下落城字廣陽下落頃字須卽頃之譌當改作雲

地理記曰

卷十二第八葉

地理下落風俗二字黃省曾本校增

城南十里

卷十二第八葉

四字衍文

水出安次縣東北平地泉

卷十二第九葉

泉字衍文

東南逕東州縣故城西

卷十二第九葉

此是漢漁陽郡之泉州縣非勃海郡之東州縣也黃省

曾本校改

涑水東南至容城入于海河

卷十二第九葉

漢書地理志作入河海字衍文

巨馬水于平舒北

卷十二第九葉

平舒下落城字

灤水

浚坡歷澗

卷十三第一葉

坡孫潛校改波

漢景帝後元三年置

卷十三第一葉

元字衍文

北燕京山之大池

卷十三第一葉

寰宇記代州雁門縣下引水經注云潛通燕京山之天
池北下落通字大池當作天池

其水陽焊不耗

卷十三第一葉

箋曰克家云焊當作旱按集韻焊火乾也義亦通

忽過大風

卷十三第二葉

箋曰過當作遇按過字不誤

蓋狄語言譌

卷十三第二葉

言當作音下云馬磨聲相近是也

城將成而崩數矣有馬走一地

卷十三第二葉

崩下落者字馬下落馳字劉昭郡國志補註校補

遂名馬邑

卷十三第二葉

遂名下落之爲二字劉昭郡國志補註校補

枝之南分

卷十三第二葉

箋曰之當作津按當作水下云桑乾枝水是也

左合武周塞水

卷十三第二葉

箋曰孫云地理志作武州按州周音同通用

津委浪

卷十三第三葉

津上落長字

濕水又東北逕魏亭西 卷十三第三葉

魏亭上落巨字

崞川注之 卷十三第三葉

崞川下落水字

處三山之中 卷十三第三葉

三當作二二山謂元岳及崞山也

北流逕繁時故城東 卷十三第三葉

繁時下落縣字

王莽之善陽也 卷十三第三葉

箋曰孫云一作鄯陽按漢志是善字不从卩作鄯

水卽成池 卷十三第四葉

卽當作積黃省曾本校

北對涼州池之南池 卷十三第四葉

涼州池全氏校改涼川城

如渾水又東南流逕水固縣 卷十三第四葉

箋曰水固疑是永固之譌考魏書地形志竝無此縣名

按地形志恒州代郡領永固縣

慕容寶自河而還軍 卷十三第四葉

而當作西

死者父兄皆號泣哀慟 卷十三第四葉

哀慟上黃省曾本有六軍二字

故北俗謂之老公城也 卷十三第四葉

故字也字俱衍文

左右山源 卷十三第五葉

源當作原

魏太當七年所成也 卷十三第五葉

箋曰當當作平按黃省曾本作太常魏明元帝年號也

太武帝改元太平真君道元不應遺下二字單稱太平

朱氏誤矣

其水南又屈逕平城縣故城南 卷十三第五葉

南又二字當倒互

卽朱明閣直侍之官出入所由

卷十三第六葉

所由下吳瑄本有也字

又毀建白樓

卷十三第六葉

全氏云毀字衍文

用周園挽

卷十三第七葉

箋曰謝云宋本作圍繞按沈名蓀云園挽謂灌園者所

汲挽也二字不誤

柱側悉鏤雲炬

卷十三第七葉

箋曰古本作悉鏤雲炬字誤當作雲烟按玉篇炬火炬

雲炬形容雕鏤之巧光炫奪目也

去子丹碑側遠矣

卷十三第七葉

側當作則

臺高廣

卷十三第八葉

臺下落榭字名勝志校增

閣人宕昌公鉗耳處時

卷十三第八葉

魏書閣官傳王遇字慶時本名惡地馮翊李潤鎮羌也

姓王氏後改氏鉗耳賜爵宕昌公處字誤

九堂

卷十三第八葉

明堂月令白虎通俱作九室堂字誤

施機輪飾縹 卷十三第八葉

飾縹下落碧字名勝志校增

仰象天狀畫北通之宿鳥蓋天也 卷十三第八葉

箋曰此處有譌誤當云畫北辰列宿象蓋天也按非也

全氏云通當作道鳥當作焉

又東北右合黃山 卷十三第九葉

山當作水

南北六十七步 卷十三第九葉

十七二字當倒互

勢熱又同 卷十三第十葉

水經注卷之五 卷五

東晉趙氏定本

勢熱二字當倒互

南岸下有風穴 卷十三第十葉

岸名勝志引此文作崖

白頭而羣飛者 卷十三第十葉

白頭當作白頸下同

健爲舍人以爲壁屋 卷十三第十葉

箋曰壁屋字誤當作卑居按今李巡註既無可考壁屋二字以廣異名否則爾雅原文既以鷦斯爲卑居孫炎又以卑居爲楚鳥乃復云健爲舍人以爲卑居辭重義複類于屋上架屋也蓋卑之轉音爲壁屋義又與相近

壁屋疑卽卑居之一名又鸞斯之鸞上从與不从學鸞
音渥爾雅釋鳥鸞山鵲是也今刻誤以鸞爲鸞朱氏亦
失箋

馬融亦曰賈鳥者也 卷十三第十葉

箋曰宋本無者字按者字宜有

世法所締 卷十三第十葉

締通鑑注引此文作稀

濕水又東逕北平邑縣故城南 卷十三第十一葉

逕北二字當倒互

城在高柳南八十里 卷十三第十一葉

通鑑注作百八十里落百字

俗為之苦力干城矣 卷十三第十一葉

為當作謂

濕水又東流又東陽水注之 卷十三第十二葉

箋曰宋本無流又東三字按流字宜存又東二字重文

宜衍陽水上落安字

水自源東南流注于濕水 卷十三第十二葉

源當作澤上云水出縣東北澤中是也孫潛校改

王莽之競安也 卷十三第十二葉

漢書地理志作竟安

水入東流

卷十三第十二葉

箋曰入宋本作又按水上落濕字

陽武將軍馬成

卷十三第十二葉

陽後漢書馬成傳作揚

出昌平縣故城南

卷十三第十四葉

出上落水字

又東北入祁夷祁夷右會逆水

卷十三第十四葉

兩祁夷下俱落水字

逆水又西注于祁夷之水

卷十三第十四葉

又西下落流字下云逆之爲名以西流故也可證

者諺云 卷十三第十四葉

諺當作彥

未有升其嶺者 卷十三第十四葉

嶺當作巔

代城東北九十里有空侯城也 卷十三第十五葉

空侯城下黃省曾本有者字無也字彼此各缺一字可

互證也

濕水又東逕潘城縣北 卷十三第十五葉

兩漢志俱作潘縣此當云潘縣故城

下洛城西西二十里有雍洛城 卷十三第十五葉

箋曰當作而西按當作西南

卷十三第十六葉

濕水又東逕三臺北

濕水下落又東逕高邑亭北七字黃省曾本校補

濕水又東逕溫泉水注之

卷十三第十六葉

逕字衍文

下有溫泉

卷十三第十六葉

下字上落山字

是使越者若流

卷十三第十六葉

越當作赴

水出塞外子元鎮西

卷十三第十六葉

子當作柔柔元鎮乃魏六鎮之一胡三省通鑑註曰柔

元鎮城在漢且如縣西北塞外魏太和十八年如柔元

鎮卽此方輿紀要云孝昌初柔元鎮民杜洛周反于上

谷圍燕州鎮蓋與上谷接壤在今大同府大同縣界

校其城郭 卷十三第十六葉

城黃省曾本作程

又東南於大甯郡北右注鴈門水 卷十三第十七葉

箋曰於宋本作流按於字不誤

鴈出其間 卷十三第十七葉

劉昭郡國志補註引山海經曰雁門者雁飛出于其門

間字誤也

敦水東又澁水注之出東阜下

卷十三第十七葉

東又二字當倒互出上落水字

與神泉

卷十三第十八葉

神泉下落水合二字

汲引泉谿澤澤濤東注

卷十三第十八葉

澤當作渾下澤字重文宜衍

東南流逕小甯縣故城南

卷十三第十八葉

東南流下落逕小甯縣故城西東南流注于延水又東

十七字黃省曾本校增

方系...
北方人謂之謫仙

卷十三第十九葉

北當作此與上此人失怖之此誤作北正同

下洛西北百三十里

卷十三第十九葉

下洛下落城字

因名其爲磨笄山

卷十三第十九葉

箋曰其下疑脫地字按非也孫潛校改山

王莽之久居也

卷十三第二十葉

箋曰舊本作王莽之所謂文居也按漢志是久字改作

文非

地理志曰于延水東至廣寧入治非矣

卷十三第二十葉

全氏云濕水卽治水旣云注濕而又以入治爲非乎考漢志是沽字方輿紀要云沽當作治劉氏似指伯莊然于延水本入治酈故以班志入沽爲非與祁夷水之入治誤正同祁夷水師古改作入濕

畱其民于涿鹿之河

卷十三第二十葉

河當作阿

其水又東北與陂泉合

卷十三第二十葉

箋曰陂一作阪按寰宇記媯州懷戎縣下云羹頡山黃帝祠有泉湛而不流卽古阪泉也又云阪山史記云軒轅與炎帝戰于阪泉之野卽此是也

以統流離 卷十三第二十二葉

離當作雜

清夷水又西會牧牛山 卷十三第二十一葉

山下落水字

其水俱西南注于滄水 卷十三第二十一葉

西南下落流字

又西與右陽溝水合 卷十三第二十一葉

與右二字當倒互

西南流逕居庸縣城北 卷十三第二十一葉

縣下落故字

次仲首發於道 卷十三第二十二葉

箋曰古本作首發於邁按道字不誤

靈亭城水注之 卷十三第二十二葉

城字衍文

水導馬蘭城 卷十三第二十二葉

導下落源字

落次仲鳥翻於此 卷十三第二十二葉

落字當移在次仲下孫潛校

又西得泉溝水會 卷十三第二十二葉

會字衍文

謂之落馬河 卷十三第二十三葉

河當作洪

謝承漢書曰 卷十三第二十二葉

隋書經籍志後漢書一百三十卷吳武陵太守謝承撰

落後字

魏氏土地記曰 卷十三第二十三葉

氏字衍文後竝同

更燕國 卷十三第二十四葉

更下落曰字

城有萬載宮光明殿 卷十三第二十四葉

八字當移在次行縣曰代成之下全氏校

至雋光壽元年四十九矣

卷十三第二十四葉

元年下落齒字謂馬齒也名勝志校增

有魏征南將軍建城鄉景侯劉靖碑

卷十三第二十四葉

何焯云征南當作征北靖薨于鎮北將軍假節督河北

諸軍事贈征北將軍

表功加於民

卷十三第二十四葉

表下落靖字楊慎刻水經碑目校增

元嘉四年

卷十三第二十四葉

元嘉當作元康碑見鮑邱水注

側城南東門注 卷十三第二十四葉

東門二字當倒互

昔銚期啓戟處也 卷十三第二十四葉

箋曰謝云啓戟當作棨戟按非也何焯云是奮戟之誤
以後漢書本傳校改

泉東注 卷十三第二十五葉

泉下落流字

笥溝水之別名也 卷十三第二十五葉

笥溝下落沽字全氏校增

濕餘水

凌者入上谷 卷十四第一葉

使者上落更始二字孫潛校增

側道福峽 卷十四第一葉

峽方輿紀要作狹

其水導源西北逕千蓼泉 卷十四第二葉

逕字衍文

又東逕平昌縣故城南 卷十四第二葉

按平昌應作昌平漢書地理志上谷郡有昌平縣後魏廢入軍都縣魏書地形志幽州燕郡軍都縣有昌平城孝昌中陷於杜洛周天平中置東燕州領平昌郡復立

昌平縣隸焉道元卒於孝昌二年天平復置郡縣之事
所不及知也

左右芹城水 卷十四第二葉

箋曰謝云宋本作芹城水注之按非也右當作合注之
二字耳伯所繆增

又東南流注濕餘水 卷十四第二葉

箋曰又古本作水按又字不誤上云水出北山南逕芹
城不當改作水字也

沽水

九泉水注之 卷十四第三葉

泉當作源

左右翼注入川

卷十四第三葉

入當作八

岸有二城

卷十四第三葉

岸上落夾字

易為依居

卷十四第三葉

箋曰宋本作依据疑作依据按古据據通用据字為近

下抗深隍

卷十四第三葉

抗當作枕

有二源

卷十四第三葉

有上落水字

左與舊鹵水合

卷十四第四葉

舊詳下文當作候下舊鹵城同

山石色特上

卷十四第四葉

箋曰石一作白按山石下落白字朱氏誤以石爲白

漁陽又西南入沽水

卷十四第四葉

陽黃省曾本作水

西南與灤餘水合爲沽河

卷十四第四葉

此沽字誤當作潞以注文知之

教民植種

卷十四第五葉

箋曰當作種植按植種義自通

出狐奴山南轉逕狐奴城南

卷十四第五葉

出上落水字下南字當作西

笥溝

卷十四第五葉

笥溝上落天字名勝志校增

派河尾也

卷十四第五葉

派字是派字傳刻之譌下同

溝湛漳洹澗易濼濡沽庠池

卷十四第五葉

湛當作淇全氏校改

鮑邱水

水北川 卷十四第六葉

水下落導字

亂流逕密雲戍城南 卷十四第六葉

亂流下落西南二字黃省曾本校增

望雖 卷十四第六葉

箋曰雖字疑衍按雖字是離字之誤不宜衍

自決注之 卷十四第六葉

決當作坎與上離字相照離南坎北蓋用代字法耳柳

僉鈔本校正

又東南峽 卷十四第六葉

東南下落出字孫潛校增

水西南流注之

卷十四第七葉

水上落桑谷二字下云是水有桑谷之名可證也

鮑邱水東南逕

卷十四第七葉

逕下落漁陽縣三字

又西南流注之于沽河

卷十四第七葉

之字衍文

黃河之別源時長岸峻固

卷十四第八葉

時名勝志引此文作也

山川暴戾

卷十四第八葉

箋曰宋本作山水按暴戾名勝志引此文作暴發

凡所潤舍四五百里 卷十四第八葉

箋曰舍宋本作合按非也潤舍謂漑潤廬舍與下灌田
之文對待

乘北岸七十餘丈 卷十四第八葉

箋曰謝云乘宋本作剩孫云疑作割書曰湯湯洪水方
割作剩亦誤按何焯云孫說謬甚據碑文是洪水毀損
此過所剩者北岸七十餘丈豈可因洪水字而遂及尙
書方割之文乎

修立過 卷十四第八葉

立當作主主過見上又朱氏欲改過作塌按三國志吳書諸葛恪云築東興堤過湖水又云圖壞堤過又云俛身緣過過塌音同通用

又東南流薊縣北

卷十四第九葉

流下落逕字

又東至潞縣注于鮑邱之水

卷十四第九葉

之字衍文

北佩謙澤

卷十四第九葉

箋曰謝云謙澤一作諫澤按通鑑注云夏謙澤在薊北二百里今據是注乃二澤也謝說非

合筍溝斷

卷十四第九葉

合當作今斷上增水字言筍溝水時已斷也

今其居山之陽

卷十四第十葉

箋曰其宋本作在按其乃且字之譌當作今在且居山之陽

而東南流注于渠洵河

卷十四第十葉

當作洵渠河亦見濡水注

故瀆上承宰池水

卷十四第十葉

宰池當作溲池

公將征之

卷十四第十一葉

公字衍文

庚水注之

卷十四第十一葉

庚水當作庚水即漢志右北平郡無終縣之溷水也俊

靡縣下作庚庚溷音同

以一石相磨

卷十四第十一葉

一當作二

世謂之車輦水

卷十四第十一葉

世謂上落東南流三字黃省曾本校增

水出北山溪

卷十四第十一葉

北山下落溫字初學記引此文校增

以其過灼故 卷十四第十一葉

故下落也字初學記引此文校增

山之高嶄絕 卷十四第十二葉

之字衍文

與中郎將孟溢 卷十四第十二葉

與字誤方輿紀要校改作詔後漢書靈帝紀云中平五年九月遣中郎將孟益率騎都尉公孫瓚討漁陽賊張

純是也

春秋襄公十四年 卷十四第十三葉

左氏傳無終子事在襄公四年十字羨文

東入庚水

卷十四第十三葉

箋曰一作庚按庚字不誤

寺內有大堂

卷十四第十三葉

有黃省曾本作起

出縣北山

卷十四第十四葉

出上落水字

濡水

左道則連泉水注之出故城東

卷十四第十四葉

道字衍文出上落水字

逕林山北

卷十四第十五葉

林山上落松字方輿紀要松林城在大寧衛西北志云

漢遼西郡文成縣地本松林南境遼置松江州勝安郡

治松江縣金廢州元復置尋以松江縣省入上都路又

曰北邊紀事舊慶州在大寧北六百里西南至開平八

百餘里地皆大松號曰千里松林亦曰平地松林在臨

潢西潢水出焉或謂之曲水亦曰回水道元所謂水流

回曲謂之曲河者也唐置松漠都督兼松木沙漠而取

名焉郭造卿永平府志曰此乃千里松林也遼史曰蹠

邨

按遼史國語解作蹠村地名即松林故地蹠音帶竊疑村字乃林字闕筆之誤郭志改作邨字形象更差

事如史記匈奴傳之蹠林漢書音義曰匈奴秋社八月

中皆會祭處又正義曰顏師古云蹕者遮林木而祭鮮
卑之俗自古相傳秋祭無林木者尙豎柳枝衆騎馳遮
三周乃止此其遺法也又寰宇記引入塞圖云漢大甯
西北行百里至懷荒鎮又北行七百里至榆關又北行
二百里至松林又北行千里方至瀚海也

木林山水會之

卷十四第十五葉

木當作松

地理志曰濡水出縣北蠻中

卷十四第十五葉

漢書地理志漁陽郡白檀縣下云洹水出北蠻夷師古
曰洹音呼鳩反洹水卽濡水之缺畫此是六朝已後漢

書傳寫之誤師古不知而繆音之縣字衍文北蠻下落

夷字

濡水又東而南 卷十四第十五葉

而字衍文

而出於龍芻之谿 卷十四第十六葉

而孫潛校改西

東流入藏水 卷十四第十六葉

當作三藏水落三字

又東南流逕列谿 卷十四第十六葉

當作武列谿下云武列水可證

東南歷石挺下左層巒之上 卷十四第十六葉

箋曰謝云挺一作挺按當从木作挺說文挺一支也徐
錯繫傳曰挺者獨也挺然直立之貌石挺是石之孤生
獨立者左字誤當作挺在層巒之上

彎弧矢 卷十四第十六葉

彎下落張字名勝志引此文校增

東至清陁 卷十四第十七葉

永平府志方輿紀要俱作青陁紀要云永平府盧龍縣
有青山口在府北桃林口東第四關口也下云東越青
陁仍是青字

楊都賦 卷十四第十七葉

楊當作揚

東越青陁 卷十四第十七葉

箋曰克家云青當作清按青陁字不誤

濡水又東南水又合焉 卷十四第十七葉

箋曰水又舊本作水名宋本作洛水合焉按水上落敖

字又當作右永平府志校正箋說非

得去潤水又會敖水 卷十四第十七葉

得上落左字去字衍又當作右永平府志校正

南流注逕孤竹城西 卷十四第十七葉

逕字羨文

水出肥如東北元溪 卷十四第十七葉

肥如下落縣字

俗又謂肥如水 卷十四第十八葉

又謂下落之字

右合盧水 卷十四第十八葉

合黃省曾本作會

陽樂故燕也 卷十四第十八葉

也當作地

又南得溫泉水口注之出東北溫溪 卷十四第十八葉

注字衍文之乃水字之譌名勝志校正

地理志曰令支有孤竹故城孤竹國也

卷十四第十八葉

故城二字當倒互地理志遼西郡令支縣下云有孤竹

城應劭曰故伯夷國是也

我孤竹君也

卷十四第十九葉

太平廣記引博物志作我孤竹君子也落子字

東南逕主鄉北

卷十四第十九葉

主永平府志作西

出城東南

卷十四第十九葉

出上落水字

濡水又逕牧城南 卷十四第十九葉

牧永平府志作故

世謂新河矣 卷十四第十九葉

謂下落之字

至王莽之淑武也新河又東為二水 卷十四第十九葉

箋曰至宋本作故俱疑衍按全氏云至字當移在淑武也下

水出新平縣 卷十四第十九葉

當作新安平漢書地理志校補下竝同

世謂之馬頭山 卷十四第十九葉

山當作水

東流注大水

卷十四第十九葉

當作封大水漢書地理志校補

南流于海

卷十四第二十葉

南流下落入字漢書地理志云皆南入海是也

與緩靈水會

卷十四第二十葉

靈漢書地理志作虛下同

世謂之大籠山

卷十四第二十葉

山當作水

南流于海

卷十四第二十葉

南流下落入字漢書地理志校補

出令支縣之藍山

卷十四第二十葉

出上落水字

新河又東至九過口

卷十四第二十葉

過當作灤

西入九過注海

卷十四第二十葉

箋曰一作燭按非也其字从水作灤不从火作燭魏書
毋邱儉傳正始中儉以高句驪數侵叛督諸軍步騎萬
人出元菟從諸道討之句驪王宮將步騎二萬人進軍
沸流水上大戰梁口宮連破走儉遂束馬懸車以登丸

都注云梁音過梁字無過音蓋誤文也冊府元龜作梁口云音過梁與梁過與過皆以形似致誤海陽城漢縣屬遼西郡今永平府盧龍縣地舊志云西接薊門東達渝關渝關今山海關仲恭蓋由此越險以伐高句驪也沸流水丸都城在朝鮮京畿道東北遼史地理志涿州鴨淥軍節使正州本沸流王故地爲公孫康所併渤海置沸流郡有沸流水是也然而其事有可疑者沸流水在漢元菟郡而九梁口則在遼西郡仲恭進兵與高麗大戰焉有引之反入內地之理史文如是難以意度也或于文當云句驪王宮將步騎二萬人大戰梁口進軍

沸流水上宮連破走于事方合九凼下路口字

左迤為孔陽孤淀名 卷十四第二十葉

箋曰宋本無名字按永平府志引此文作左迤與北陽

孤淀合今校正

王莽改曰碣石也 卷十四第二十葉

漢書地理志右北平郡驪成縣大碣山在西南莽曰揭

石師古曰揭音桀

潮水大至 卷十四第二十葉

大至下落則隱二字全氏校增

大遼水

遼水亦言出砭石山 卷十四第二十二葉

砭當作砭淮南子地形訓遼出砭石篇海類篇俱云砭

同砭

有小遼水其流注之也 卷十四第二十二葉

其當作其

遼水又右會白狼水 卷十四第二十二葉

又字衍文孫潛校

魏武於馬上使格之 卷十四第二十三葉

於馬上下博物志有逢獅子三字今校補

殺傷其衆 卷十四第二十三葉

其博物志作甚

王乃統率常從健兒

卷十四第二十三葉

箋曰統宋本作自按統字義自得

洛陽雞狗

卷十四第二十三葉

陽博物志作中

白狼水北逕白狼縣城東

卷十四第二十三葉

縣下落故字

白狼水又東

卷十四第二十三葉

箋曰又古本作入按又字不誤

水發川西南山下

卷十四第二十三葉

川當作源

蓋委也人從之

卷十四第二十三葉

箋曰蓋委以下六字有譌脫按孫潛校改作蓋倭地人

徒之

導西北遠山

卷十四第二十三葉

導上落水字

慕容晃

卷十四第二十四葉

箋曰克家云晃別本作𧈧按史作𧈧韻會云譌作魏當

據史改正何別本之足云

東流爲二水

卷十四第二十四葉

東流下落分字孫潛校增

逕一故城

卷十四第二十四葉

故城下落西字孫潛校增

蓋燕齊遼迴

卷十四第二十四葉

雙日迴宋本作遠舊本作迴按增韻迴寥遠也與遠字

義無別若作迴尤非

地理志曰渝水自塞南入海

卷十四第二十四葉

漢書地理志遼西郡交黎縣下云渝水首受塞外南入

海落外字

十三州志

卷十四第二十五葉

志下落曰字

大遼水自塞 卷十四第二十五葉

塞下落外字

小遼水

西南至遼隧縣入于大遼水也 卷十四第二十五葉

柳僉鈔本此十二字經文另為一條在本注之後

縣故高句麗相之國也 卷十四第二十五葉

漢書地理志元菟郡高句驪縣應劭曰故句驪胡相字

誤也

西南流逕至遼水 卷十四第二十五葉

逕至二字是注字之誤

涇水

自涇水而至朝鮮

卷十四第二十五葉

而當作西孫潛校改

水經注箋刊誤卷六

洛水

洛水又東尸水注之

卷十五第一葉

箋曰謝云尸一作尸按八字是注混作經

水北出發尸山

卷十五第一葉

出發二字義複山海經曰尸水出尸山衍發字

洛水又東得乳水

卷十五第一葉

七字是注混作經

水北出良餘山南南注于洛

卷十五第一葉

下南字重文當作流

洛水又東會于龍餘之水 卷十五第一葉

十字是注混作經

東流入洛水又東至陽虛山 卷十五第一葉

入洛下當重一洛字

山海經曰又陽虛之山 卷十五第二葉

曰又二字當倒互

洛水又東門水出焉 卷十五第二葉

八字是注混作經

水南出獲興山 卷十五第二葉

典當作輿漢書地理志校正下獲興川同

洛水又東逕熊耳山北 卷十五第二葉

九字是注混作經

洛水逕陽渠關北 卷十五第二葉

七字是注混作經

陽渠水出南陽渠山 卷十五第二葉

箋曰謝云陽一作陽按非也出南二字當倒互

洛水又東逕盧氏縣故城南 卷十五第三葉

十一字是注混作經

東南流逕盧氏城東而流注于洛水 卷十五第三葉

東而二字當倒互孫潛校正

又東龍翼合三川 卷十五第三葉

龍字衍文孫潛校

陵阜原險 卷十五第三葉

險當作陁

洛水東與高門水合 卷十五第三葉

八字是注混作經

洛水又東松楊溪水注之 卷十五第三葉

十字是注混作經楊當作陽方輿紀要云寧縣西六十

里有松陽關極險阨下松陽山同

又東合黃城溪水 卷十五第四葉

城當作亭禹貢錐指校

有二峰 卷十五第四葉

有上落山字

及其長霄冒顛 卷十五第四葉

箋曰顛一作嶺按顛字義通

方乃就辨優劣耳 卷十五第四葉

箋曰宋本作方可按乃字不誤

洛水又東得荀公漢口 卷十五第四葉

箋曰孫云漢口當作澗口按當作溪口溪與漢近

命參將戴延之 卷十五第四葉

參將當作參軍晉書職官志諸公及開府從公爲持節
都督增參軍爲六人延之時從宋武帝西入長安正居
此職作西征記也延之名祚見隋書經籍志

洛水又東庫谷水注之

卷十五第四葉

九字是注混作經

水發北鵝鵠澗

卷十五第四葉

發北二字當倒互

城西隄

卷十五第五葉

城西下落有字

有二源

卷十五第五葉

有上落水字

黍良谷水入焉 卷十五第五葉

良禹貢錐指作良

山出多重回 卷十五第五葉

出字衍文

落水又東合杜楊澗水 卷十五第六葉

楊禹貢錐指作陽下杜陽溪同

落水又東渠谷 卷十五第六葉

箋曰謝云渠谷上下疑有闕按無闕文也六字是注混

作經

在上迢遞層峻 卷十五第六葉

在當作左

洛水又東逕宜陽縣故城南 卷十五第七葉

十一字是注混作經

洛水又東與厭梁之水合 卷十五第七葉

厭梁山海經作厭染

水出縣北傳山 卷十五第七葉

箋曰傳一作傳按山海經正作傳山朱氏何不據之改

正乎

祿泉注之其水近出北谿 卷十五第七葉

泉下落水字近字與北字當互易下云水東出近川是

其詞例也

東南與湖長澗水會 卷十五第八葉

湖字衍文

洛水又東枝瀆左出焉 卷十五第八葉

九字是注混作經

故瀆又東逕周山 卷十五第八葉

故瀆當作枝瀆下同

周山在柏亭西柏 卷十五第九葉

西柏當作西北

又東北逕三王陵東北出焉

卷十五第九葉

東北出焉上全氏校增穀水二字

故瀆東北歷制鄉

卷十五第九葉

故瀆當作枝瀆穀水注云洛水枝流入焉是也

東抗惠水

卷十五第十葉

抗當作枕

五營士屯都亭

卷十五第十葉

五營上落率字後漢書何進傳校補

置函谷關廣城伊闕大谷轅轅挺門平津孟津等八關都

尉官治此

卷十五第十葉

函谷關關字衍文平津上落小字後漢書靈帝紀校正
郡國志曰所謂甘城也 卷十五第十葉

曰字衍文

因西爲千里 卷十五第十一葉

因西下落方八百里四字漢書地理志云初雒邑與宗
周通封畿東西長而南北短短長相覆爲千里師古曰
宗周鎬京也方八百里八八六十四爲方百里者六十
四也雒邑成周也方六百里六六三十六方百里者三
十六二都得百里者方千里也故詩云邦畿千里

遷自序云 卷十五第十一葉

遷上落司馬二字

宸居洛邑

卷十五第十一葉

箋曰宸一本作定按宸居猶言皇居也改作定非

祝良字石卿

卷十五第十一葉

石卿黃省曾本作召卿後漢書順帝紀云祝良爲九真太守章懷註曰良字劭卿長沙臨湘人又龐參傳章懷注引謝承書云祝良字召卿長沙人聰明博學有才幹以廉平見稱也

因名司州焉

卷十五第十一葉

因名上落後世二字全氏校增

招延與道士浮邱同遊伊洛之浦 卷十五第十二葉

與字當移在道士之下

西北流于劉聚 卷十五第十二葉

流下落注字

又東偃師故縣南 卷十五第十二葉

又東下落逕字

重源又發側緱氏原 卷十五第十二葉

側字當移在緱氏原下

控鶴斯阜 卷十五第十三葉

鶴孫潛校改鶴

水經注卷之六

七 東潛趙氏定本

有司空密陵光侯鄭廟碑 卷十五第十三葉

鄭下落表字光當作元晉書校

洛水又北陽渠水注之 卷十五第十三葉

九字是注混作經

水南謂之南鄠中水之南鄠 卷十五第十三葉

中水之南鄠五字重文宜衍

世謂之溫水泉 卷十五第十三葉

水泉二字當倒互

水側有重人穴 卷十五第十三葉

箋曰重一作童按當作僵渭水注有僵人穴亦其類也

且道元引西征記而又自爲之說朱氏豈不審耶

洛水又東至羅水注之卷十五第十四葉

十四字是注混作經

出方山羅川卷十五第十四葉

出上落水字

出南浦陂卷十五第十四葉

浦當作蒲上云蒲池水可證

謂之長川羅卷十五第十四葉

川羅二字當互易河南郡志云長羅川在鞏縣西南

白相澗水注之卷十五第十四葉

白相孫潛校改白桐下同

又北九山東谿水入焉

卷十五第十四葉

東字衍文孫潛校

昔密有卜城者

卷十五第十四葉

城孫潛校改成

又西北逕潘岳子父墓前

卷十五第十五葉

子父二字當倒互

明樂泉注之

卷十五第十六葉

泉下落水字

三泉竝導

卷十五第十六葉

三當作五下云世謂之五道泉可證也

又東北洞水發南谿石泉世亦名之為石泉也

卷十五第

十六葉

洞水當作洞水下石泉下落水字

世又名之曰鹽谷水

卷十五第十六葉

鹽谷當作盤谷

亦以為鞏東邑名也

卷十五第十六葉

亦以上落服虔二字黃省曾本校補

洛水又東北流入于河

卷十五第十六葉

九字是注混作經

赤文篆字堯帝又循壇河洛 卷十五第十七葉

篆起周宣蓋是綠字之誤循當作脩路史校改

什政之度 卷十五第十七葉

什當作七

以授之 卷十五第十七葉

之下落堯字

舜又習堯祀 卷十五第十七葉

祀當作禮下云習禮堯壇

伊水

伊水出南陽縣西蔓渠山 卷十五第十八葉

當作南陽魯陽縣元和郡縣志引此文作南陽魯縣蓋亦脫陽字漢志南陽郡魯陽縣下云古魯縣續志云魯陽有魯山劉昭補註引前志曰古魯縣以相證春秋分記曰在夏爲魯縣劉累遷于魯漢爲魯陽是也說者謂地理志伊水出宏農盧氏熊耳山與水經何以有異不知南陽有三熊耳盧氏之外宜陽陝俱有之作水經者恐其混而無別乃據山經云蔓渠之山伊水出焉以立文又恐蔓渠之名不顯人或疑之故云南陽魯陽縣西也盧氏熊耳山在魯陽縣之西縣西北九十里有歇馬嶺道出盧氏惟舉此爲名始無游移矣不然淮南子以

爲伊水出上魏山而括地志又有出巒山一名悶頓嶺
元和志則有出鸞掌山之別此水經之所以精覈而取
校古書之所以可貴也世本水經注乃云出南陽縣西
試思兩漢南陽郡治宛隋人始廢南陽郡改宛縣曰南
陽縣至今因之在漢魏六朝無有是名也以胡東樵吳
任臣之好辨悉心研究禹貢錐指山海經補註皆不能
指其缺失信乎讀書之難也

水自熊耳東北

卷十五第十八葉

水上落伊字

京相璠之著春秋地名亦云

卷十五第十九葉

之字衍文春秋下落土字

水出新城縣之狼臯山之西南阜下

卷十五第十九葉

下之字衍文

東流狐山南

卷十五第十九葉

箋曰宋本作孤山按東流下落逕字

卽陸渾山者也

卷十五第十九葉

山字衍文者當作都全氏校

縣西號略池

卷十五第二十葉

箋曰號當作號按池當作地

春秋所謂東盡于號略者也

卷十五第二十葉

于字衍文何焯校

淵出侯谿

卷十五第二十葉

淵當作水出下黃省曾本有西北二字

魯僖公二十二年春晉遷陸渾之戎于伊川

卷十五第二

十葉

春當作秦左氏傳校

祖淵東逝

卷十五第二十葉

祖當作阻

渚水上承陸渾縣東禪渚

卷十五第二十葉

禪渚之渚當作陂

郭景純注云一禪音暖

卷十五第二十一葉

箋曰郭景純云墀音填按今道元引郭注云禪一音暖足正世本之誤一禪二字當倒互

而長有賢德

卷十五第二十一葉

而長二字當倒互

北汶

卷十五第二十一葉

箋曰孫云汶字疑誤按孫濟云當作北注

北水出廣城西南西南逕楊志塢北

卷十五第二十一葉

城當作成廣成下落澤字西南二字重文宜衍

西流陸渾

卷十五第二十一葉

西流下落逕字陸渾下落縣南二字孫潛校增

河南十二縣簿曰

卷十五第二十一葉

縣下落境字後同

屈而東逕楊塢南

卷十五第二十一葉

當作楊志塢落志字

伊水又逕西北當階城西

卷十五第二十二葉

逕字當移在西北之下

狂水出焉西南流

卷十五第二十二葉

西南流下落注于伊水四字山海經校補

又南逕綸氏故城東

卷十五第二十二葉

綸氏下落縣字

南流逕綸氏城西

卷十五第二十二葉

綸氏下落縣故二字

水有二源

卷十五第二十二葉

二當作三下云故世有三交之名也可證

竝出山南流合舍

卷十五第二十二葉

箋曰宋本作竝出山南合流行一舍字按非也於文竝

出山

句

南流合舍

句

宋本之妄不待言

蓋記水之漲滅也

卷十五第二十四葉

滅當作減

石壁又有石銘云 卷十五第二十四葉

石壁之石當作右

欲食之 卷十五第二十五葉

食戰國策作貧

今伊水 卷十五第二十五葉

箋曰今當作合按今字不誤伊當作無

漢書郊祀志曰 卷十五第二十五葉

漢書上落後字

廣志曰 卷十五第二十五葉

箋曰謝云廣志以上疑有脫落按無闕文也蓋其書體

例如此不得以人魚事與上文義不屬疑之

聲如小兒

卷十五第二十五葉

小兒下爾雅釋魚註有噉字史記正義同今補正

形如鱧

卷十五第二十五葉

鱧謂鮫鱧也本草陶隱居云鮫鱧形似鼈而短小又似鯉魚有四足山海經曰蔓渠之山伊水出焉有獸焉其名曰馬腹其狀如人面虎身其音如嬰兒是食人此與沔水注中廬疎水之水虎頗相類道元又以人魚釋之詳見下

司馬遷謂之人魚

卷十五第二十五葉